

SWIENDLAKALO LESWI VEKIWEKE

ERIVALENI HI VUPROFETA

 A hi korhamiseni tinhloko ta hina ku ya khongela sweswi. Hosi Xikwembu xa hina, Mutumbuluxi lonkulu wa Matilo na misava, Loyi nakambe a pfuxeke Yesu eku feni, na ku hanya na hina eka malembe lawa ya magidi mbirhi, wa ha hanya hilaha ku nga heriki ku tiyisisa Rito ra Yena na ku Ri endla ra ntiyiso eka rixaka rin'wana na rin'wana. Hi khensa swinene hikwalaho ka Vukwembu bya vukona bya Yena sweswi, hi ku tiva leswi, leswaku hi na xitiyisiso lexikulu, leswaku endzhaku ka loko vutomi lebyi byi herile, hi na Vutomi lebyi nga Heriki emisavemi leyi nga ta ta. Ha Ku khensa, eka leswi, Hosi. Nakona ku tshembha kwaloko, khokholo eka moy-a-xiviri, leri khomeleleke na ku tiyisisa hi nkarhi wa xidzedze. Kutani loko swidzedze swi ta, magandlati lamakulu ya ri eku vumbulukeni, ha swi twa leswaku hi ripfumelo eka Yena hi nga fikelela enhlonhlorhini ya gandlati rin'wana na rin'wana.

² Xikwembu, hi pfuni vusiku lebyi tanahi laha hi taku hi ta vula Rito eka lava va vabyaka na lava nga na swilaveko. Ha khongela, Xikwembu, leswaku ku nga vi na munhu loyi a vabyaka exikarhi ka hina loko hi famba vusiku lebyi. Munhu un'wana na un'wana a horisiwi hi Vukwembu bya Matimba ya Wena, ha vumbirhi lahawani na ku tsemakanya tiko, ra swa vuuhlanganisi, ku nga vi na munhu wo tsana loyi a nga ta huma eka muako wihi na wihi kumbe nhlengeletano yihi na yihi vusiku lebyi. Moya wa Wena wu nga ha va horisa. Pfumelela Dyambu lerikulu ra ku lulama, na ku hanyisa etimpikwini ta Rona, ri huma, ri rhumela minseve ya ripfumelo embilwini yin'wana na yin'wana loko va ri karhi va yingisela Rito, va vona ku tivonakarisa ka Moya lowo Kwetsima swi va khorwisa leswaku Wa ha hanya. Hi khongelela minkateko leyi, Tatana, hi Vito ra Yesu. Amen.

Mi nga tshama ehansi.

³ Hakunene hi wu tekela enhlokweni nkateko lowu wa ku va lahawani vusiku lebyi, nakambe, ku-ku ta vulavula na vanhu na ku khongelela vavabyi. Hi lava ku xeweta hinkwavo lava nga le handle etikweni ra e-e vuuhlanganisi bya tiqingho ku tsemakanya tiko, nakambe vusiku lebyi. Swingaleswi ha khongela leswaku Xikwembu xi ta katekisa un'wana na un'wana wa n'wina, hi ri karhi hi tshembha leswaku hinkwavo lava amukeleke Kreste mixo lowu va ta tatiwa hi Moya lowo Kwetsima nakona va hanya hi ku tshembheka na ku va na ntiyiso

eka Yena kukondza vutomi byi fika emakumu laha emisaveni, vutomi lebyi byi helaka. Kutani vona, hi ku endla sweswo, va na Vutomi lebyi nga Heriki. Va nga ka va nga fi eka Nguva leyi nga ta ta, ku ya eka Nguva leyikulu leyi hinkwerhu hi yi languteleke.

⁴ Sweswi hi ya eku swi vuleni, loko ndza ha ehleketa hi swona, ku nga ri ku kavanyeta. Makwerhu Vayle u kona lahawani, nakona swi nga endleka ndzi nga swi koti ku n'wi vona. Ndzi ta... Xana ndzi nga ku rhumela tsalwa rero loko ndzi tlhelela eTucson? Ndzi le ku ri langutisiseni, a ndzi se heta ku ri hlaya, kutani ndzi ta ri vuyisela eka wena loko ndzi ta fika eTucson.

⁵ Sweswi Ndzi lava ku endla xitiviso. Leswi swi kongomanile ngopfu-ngopfu etikerekeni hinkwako, ngopfu-ngopfu eVupeladyambu, kumbe kwihi na kwihi laha sweswo swi lavaka ku ya kona. Boti wa hina wo hlonipheka, Makwerhu Pearry Green, na... I wanuna loyi a nga muhumelerisi wa vuhalanganisi bya riqingho leri lahawani. Hosi yi swi vekile ehenhleni ka mibilu ya yena ku va a hi endzela eTucson, na ku sungula mpfuxelelo eTucson, lowu kunene hi wu lavaka. Kutani Makwerhu Pearry u ta va a ri eTucson. Loko mi lava ku tihlanganisa na yena, tihlanganiseni na hofisi ya hina lahaya. Wu ta va hi Mhawuri hi ti 10, ti 11, ti 12, na ti 13. U vile na swona embilwini ya yena nkarhi wo leha, kutani ndzi n'wi byerile leswaku ku na "ndlela yin'we ntsena yo swi susa embilwini ya wena, yana u ya swi endla." Nakona i boti wa Mukreste, nandza wa xiviri wa Xikwembu. Kutani n'wina vanhu, lava nga eTucson, ndza swi tiva leswaku mi ta kateka loko a vula rito kun'wana kwalahaya, kumbexani eRamada Inn kumbe kwihi na kwihi laha Hosi yi nga ta nyika ndhawu, a nga se yi kuma lahawani. Kambe ndza swi tiva leswaku mi ta kateka hi ku ta, mi yingisela Makwerhu Green loko a hi hlamusela Rito ra Xikwembu hi vuenti, kumbexani ku khongelela vavabyi, kumbe swihi na swihi leswi nga ta vekerija ku tirhiwa hi ntoto wa Xikwembu.

⁶ Hi lava na ku khensa Makwerhu Orman Neville, Makwerhu Mann, eka nkarhi lowo hlawuleka wa xinakulobye na vona. Hilaha ndzi khensaka ha kona ku va, ku tirhisana na vanhu vo tanihi Makwerhu Neville, Makwerhu Mann, na hinkwavo vavuri va Rito lavan'wana lahawani. Ndzi tshembha leswaku va tekeriwile enhlokweni. Loko mi nga ri tano, hi bodo ya hina na kereke ya hina lahawani, ndza tshembha leswaku Xikwembu xi mi tekela enhlokweni lahawani tanihi malandza ya Xona. I ngaku Hosi yi nga mi katekisa ku ya emahlweni.

⁷ Sweswi, ndzi vutisiwile swin'wana swintsongonyana lahawani, eka xipapilani lexi ndzi nyikiweke xona, ku... A va ri na nhlengeletano ya matrasti eka vusiku byin'wana lahawani, eka bodo ya matrasti na madiyakoni, nakona ndzi ehleketa leswaku timinetse ta kona ti hlayiwile mixo lowu ku nga se sungula kereke. Leswi, swi nga ntoloveloo eka hina ku endla

sweswo. Eka swiboho leswi endlieme hi bodo ya matrasti na madiyakoni kwala kerekene, hakunene, swi nga ka swi nga tsakisi un'wana na un'wana. Hi nga ka hi nga swi endli sweswo. Ndzi hava nchumu na wun'we lowu ndzi nga wu endlaka na bodo ya matrasti kumbe bodo ya madiyakoni. Ndzi hava hambi ku ri vhotti na yin'we handle ka loko ku ri na ku ringana, nakona ndzi fanele ku va kwala kukota ku yi endla, Makwerhu Orman Neville u teka vhotti yaleyo ya vumbirhi. Kutani hi fanele ku sayina leswi, hikuva hi xiphemu xa kereke. Kambe leswi bodo ya matrasti na bodo ya vona yi swi bohaka, kunene hi yima endzhaku ka vona hi dzana ra tiphesente, hikuva sweswo hi leswi va nga laha hikwalaho ka swona. Kutani swiboho swa vona swi le xikarhi ka vona na Xikwembu. Ndzi nga ka, ndzi nga ka nakona a ndzi nga ta swi endla, hi ndlela yihi na yihi, ku hambana na xiboho xexo. Nakona xin'wanyana, ndzi yirisiwile hi Mfumu wa United States ku endla xiboho xihi na xihi mayelana na sweswo, swingaleswi ndza mi kombela leswaku mi nga ndzi kombeli ku lulamisa swiboho swa vona. Ndzi nga ka ndzi nga swi endli, nakona a ndzi lavi ku twa nchumu mayelana na swona. Wa vona? Swingaleswi mi nga ndzi kombeli ku lulamisa swiboho swa vona. Ma yi vona bodo, hi yona leyi endleke swiboho. Hi swona.

⁸ Sweswi eka xiendlakalo xa nhlengeletano lowu taka, swi nga endleka, loko Hosi yi swi rhandza, ndzi ta va ndzi ri eku vuyeni lahwani eka kwalomu ka mune ku ya eka ntsevu wa mavhiki, kumbe swin'wana swo kota sweswo, kumbexani eka yin'wana nhlengeletano ya Sonto. Nakona ndzi tivisile mixo lowu leswaku a ndzi lava ku vulavula hi *Xikwembu Lexi Xi Tivonakariseke E Ritweni Ra Xona*, nakona a ndzi nga ta va na nkarhi vusiku lebyi, nakona, entiyisweni, a ndzi na rito ro ringanelu ku swi endla. Kutani ntshungu, ku na votala ehandle tanihu lava nga endzeni, kutani, kumbexani ku tlurisa, hi ku hlayela mabazi lawa na tilori na swilo leswi tshameke le handle na vanhu. Byi pfuleriwile, vuhami lebyintsongo byi tlakusiwlenyana, hi le ku byi tweni. Gndlati lerintsongo leri, gndlati lero koma ku suka etabernakeleni, hi nga ri twa ri ri emuakwini lowukulu ku suka lahwani. Kutani tin'wana ta timovha ti le ka miako yo talanyana le kule, tilayini ta timovha, ehenhla na le hansi, na ku rhendzeleka na ku hundza hi switarata, na ku rhendzeleka hi tabernakele vusiku lebyi. A ndzi pfumeli leswaku eka nkarhi wun'wana, swi le rivaleni, hi tshame hi va na vanhu votala lava tshitshinganeke endzeni na ku rhendzeleka hi kereke ku tlula lava hi nga na vona vusiku lebyi. Swingaleswi hi... Nakona votala, votala, votala va le ku chayeleni va nghena na ku chayela va ya ekule.

⁹ Swingaleswi swi ya eku kombiseni, "Laha Ntsumbu wu nga kona, hilaha magama ya nga ta hlengeletana kona." Nakona mi ne ndzi ku eka n'wina vusiku lebyi, eka ntlawa lowuntsongo

wa vanhu, i nhlengeletano ya matiko hinkwawo. Hi xiviri ku tlula mbirhi xa nharhu wa matiko ya nhlanganelo ya na vuyimeri lahawani, handle ka ntlhanu wa matiko mambe, hambi ku ri ku ya eRussia, na hinkwaswo swiphemu swo hambana-hambana swa tiko. Le hansi ku ya eVenezuela, ehandle ku ya ejamaica, hinkwako ehenhla ka swiphemu swo hambana-hambana swa tiko, vanhu va kona kwala, va ri eku tweni ka ndlala na torha ra Xikwembu. I nkarhi wo xonga njhani!

¹⁰ Sweswi ndzi lava, loko ndzi nga se hlaya Bibele, kutani ndzi khongeeleni sweswi. Ndzi—ndzi ya eku ringetenka ku tisa Hungu rintsongo, loko Hosi yi swi rhandza, eka makumelo lamanene ya Vukwembu bya ku horisa. Hikuva, emixweni lowu hi vulavurile hi ku ponisiwa. Kutani vusiku lebyi hi ya eku vulavuleni eka timinetse tintsongo hi Vukwembu bya ku horisa, kutani ndzi vitana layini ya xikhongelo na ku khongeleta vanhu. Loko hi ri karhi hi endla leswi, le handle eka vukhweketi, kwalaho mi nga kona, hambi ku ri le handle endzeni ka mabazi na timovha hinkwako, emuakwini lowukulu kumbe yimbirhi ya tabernakele; loko ku fika nkarhi wo khongeleriwa ka vavabyi, loko mi nga swi koti ku nghena endzeni ka muako... Leswi, mi nga taka mi nga swi koti, ndzi na ntiyiso wa swona sweswi, hikuva minyangwa hinkwako yi tshitshingarile swinene, mathelo hinkwawo, nakona ku hava ndhawu hinkwako, swingaleswi khongelani na ku tlhandlekana mavoko kwale handle. Nakona pfumelelani muvuri wa Rito un'wana na un'wana loyi a khweketiweke vusiku lebyi, na yena a khongeleta nhlengeletano ya yena loko swikhongelo swo horisa swa ha ya emahlweni. Hi pfumela leswaku Xikwembu xi kona nkarhi hinkwawo, hinkwako. Sweswi loko hi nga se hlaya kumbe...

¹¹ Loko hi—hi nga se khongela, hi lava ku hlaya Rito ro karhi ra Xikwembu. Kutani ndzi cincile e—e Matsalwa ya mina nkarhinya lowu hundzeke, hikuva a ndzi lava ku cinca xifaniso xa nhlengeletano leyia a ndzi ri na yona emiehleketweni ya mina eka vusiku lebyi, swingaleswi ndzi xi cincile swintsongo; kutani a ndzi fanele ku cinca Matsalwa ya mina, ku nga ri ku ya cinca, kambe ku ya veka hi nxaxamelo wun'wanyana, wa Vukwembu bya ku horisa ka, leswaku—leswaku vanhu va ta swi twisia.

A hi pfuleni eka Mukwetsimi Luka, kavanyisa ka vu24. Nakona hi ta sungula eka ndzimana ya vu12 ya kavanyisa ka vu24, kutani hi hlaya hi rhelela ku ya fika eka 34. Yi hi mayelano na ku pfuxiwa ka Hosi Yesu.

Hambiswiritano Petro, Petro a suka, kutani a tsutsumela esirheni; kuteloko a hlometela, kutani a vona tinguvu ntsena... a hlamele hileswi humeleleke.

Kutani, vonani, hi siku rero vambirhi exikarhi ka vona a va ya etiko-xikaya ra Emaus, leri ku suka eYerusalem a ku ri makumentsevu wa tistadiya.

Sweswi, swi teka khume wa mimpfhuka ku endla—ku endla mayili, swingaleswi a ku ri kwalomu ka ntsevu wa timayili.

Kutani a va ri karhi va vulavula swin'we hi... timhaka hinkwato leti humeleleke.

...swi humelerile, leswaku, loko va ha vulavula swin'we na ku vutisana, Yesu hi xiviri xa yena a va tshinelela, a famba na vona.

Kambe mahlo ya vona a ya siveriwile leswaku va nga n'wi tivi.

Kutani a ku eka vona, Mi vulavula hi timhaka ta muxaka muni, hilaha mi nga eku fambeni, nakona mi khunguvanyekile?

Kutani un'wana wa vona, loyi vito ra yena a ri Keleyopasi, a hlamula a ku ka yena, Xana u nga va u ri muendzi ntseva eYerusalem, nakona xana a wu ti tivi timhaka leti humeleleke kona...hi masiku lawa?

A ku eka vona, Hi tihi xana?

Tsundzukani sweswi, loyi i Yesu hi Yexe, a pfukeke, a nga eku vulavuleni.

A ku ka yena, Ta Yesu wa Nazareta, loyi ngi a ri muprofeta wa matimba emintirhueni na le ku vulavuleni emahlweni ka Xikwembu na tiko hinkwaro:

...hilaha vaprista lavakulu na tihosana ta hina va n'wi nyiketeke eka...kuva—kuva a avanyiseriwa rifu, kutani va n'wi vambilie.

Kambe a hi tshembhile leswaku hi yena loyi a nga ta kutsula Israyele: nakona hambiswiritano, namuntlha i siku ra vunharhu timhaka leti ti humelerile.

Kunene, vavasati van'wana va ka hina va hi hlamarisile ngopfu, lava yeke esirheni wa ha ri mixo;

Kuteloko va nga wu kumanga ntsumbu wa yena, va vuyile, va vula, leswaku va vonile xivono xa tintsumi, leti nga te...wa hanya.

Kutani van'wana va lava a va ri na hina va yile esirheni, va kumile swiri tanahi laha vavasati va vuleke ha kona: kambe yena a va n'wi vonanga.

Yingisani sweswi; Yesu.

Kutani a ku eka vona, O swiphukuphuku,...va timbilu leti hlwelaka ku pfumela hinkwaswo leswi vuriweke hi vaprofeta:

Xana a swi nga faneli leswaku Kreste a twisiwa ku vaviseka loku, kutani a nghena eku kwetsimeni ka yena xana?

Kutani a sungula ha Muxe ku yisa eka vaprofeta hinkwavo, a ri karhi a va ringanisela hinkwaswo, hi matsalwa hinkwawo etimhaka leti a vuriweke ha ton.

Kutani va tshinelela tiko-xikaya, laha a va ya kona: kambe a endla kukotisa loko ingi a ha hundzela emahlweni.

Kambe va n'wi sivela, va ku, U nga xwa na hina: hikuva vusiku byi tshinerile, nakona ri perile. Kutani a nghena a ya tshama na vona.

Kutani swi humelerile, kuteloko a ri etafuleni na vona, a teka xinkwa, a nkhensa, kutani a xi phema, a va nyika xona.

Kava loko mahlo ya vona ma hanyanya, kutani va n'wi tiva; kutani a nyamalala emahlweni ka vona.

Kutani va byelana un'we eka un'wana, xana timbilu ta hina a ti pfurhanga endzeni ka hina, loko a vulavula na hina endleleni, na loko a hi pfulela matsalwa xana?

Kutani hi nkarhi wolowo va suka, va tlhelela eYerusalem, va ya kuma lava khume na un'we va hlengaletanile kun'we, na lava a va ri na vona,

Va ku, Kunene Hosi yi pfukile ekufeni, nakona yi humelerile ka Simon.

Kutani na vona va vula leswi nga va humelela endleleni, ni hilaha va nga n'wi tiva hakona eku phemeni ka xinkwa.

¹² Sweswi a hi khongeleni. Tatana la rhandzekaka wa tintswalo, ha Ku khensa hikwalaho ka Rito ra Wena, hikuva Rito ra Wena i Ntiyiso, Rito ra Wena i Vutomi. Kutani Wena, O Hosi, na Rito ra Wena mi Un'we. Swingaleswi ha khongela vusiku lebyi, Hosi, leswaku U ta ta exikarhi ka hina hi matimba ya ku pfuxiwa ka Wena nakona u ta tikombisa eka hina vusiku lebyi, kukotisa lava a va huma e Emaus, leswaku na hina hi ta tlhelela emakaya ya hina, hi ri karhi hi ku, "Timbilu ta hina a ti pfurhanga endzeni ka hina xana?" Hi nyike swona, Hosi, vusiku byi tshinerile nakambe. Hikuva ha swi kombela hi Vito ra Yesu. Amen.

¹³ Sweswi ndzi lava ku vulavula mayelana na Bibe. Nakona dyondzo ya mina vusiku lebyi, eka nhloko-mhaka, i: *Swiendlakalo leswi Vekiweke Erivaleni Hi Vuprofeta. Swiendlakalo leswi Vekiweke Erivaleni Hi Vuprofeta.*

¹⁴ Sweswi, Bibe i Buku leyi hambaneke na letin'wana hinkwato tibuku ta vukhongeri. Bibe i Buku leyi hambaneke.

I Buku ya vuprofeta, leyi bvumbhaka swiendlakalo swa nkarhi lowu taka. Nakambe ya ha ri Yona Nhlavutelo wa Yesu Kreste. Ndlela hinkwayo ku suka eka Genesa ku ya fika eka Nhlavutelo, yi N'wi humesela ehandle hi vutalo bya Yena, leswi A ri xiswona na ku va xiswona sweswi. Nakona Buku hinkwayo leyi heleleke, Nhlavutelo 1:1 ku fika eka 3, yi vurile leswaku Buku leyi i Buku ya “Nhlavutelo wa Yesu Kreste,” lowu nga Rito ra Xikwembu. “Nhlavutelo wa Yesu Kreste,” i Rito ra Xikwembu!

¹⁵ Sweswi, tibuku letin’wana hinkwato, tibuku ta vukhongeri, kova ntsena milawu ya matikhomelo lamanene, milawu ya mahanyelo lamanene, kumbe milawu ya ntivo-vukwembu. Nchumu wun’wana lowu... I vangani lava nga tshama va hlaya Koran, Bibele ya Vumohammed, na—na buku ya Xibuda, na swin’wana? Ntsena swova milawu ya matikhomelo lamanene, leswi vanhu va faneleke ku swi hanya, hilaha va fanelaka ku hanya hakona, kambe a ti profeti, a ti vuli nchumu mayelana na swilo leswi kumbe mayelana na tinyiko tin’wana na tin’wana to hlawuleka leti nyikiweke un’wana na un’wana, xin’wana na xin’wana lexi nga humelelaka. Ntsena tanahi ku joyina loji kumbe swin’wana. Swingaleswi, loko tikereke ti fika endhawini laha ti endlaka kerekere ya tona ntsena tanahi ku joyina loji, kutani ti humile hi ku hetiseka eRitweni ra Xikwembu.

¹⁶ Hikuva Bibele yi nchumu lowu hanyaka, yi bvumbhile vumbhoni bya Yesu Kreste. Nakona tanahi laha misava yi kuleke ku fika eku hetisekeni ka yona, kutani marhavi na wona ya kula ku ya eku hetisekeni ka wona, siku na rona ri kula ku ya fika eku hetisekeni ka rona, Bibele yi vonakarisiwile hi ku hetiseka ka Yona eka Munhu wa Yesu Kreste. A ri Rito ra Xikwembu leri paluxiweke, Buku hinkwayo leyi hetisekeke ya ku Kutsuriwa. Bibele i Rito ra Xikwembu, leyi bvumbhaka swiendlakalo swa nkarhi lowu taka. Vapfumeri va Yona va lerisiwa hi Mutsari wa Yona ku hlaya na ku pfumela Rito rin’wana na rin’wana ra Yona, ku nga ri xiphemu xa Yona ntsena. Rito rin’we, ku ka u nga Ri pfumeli, u nga ha tshika kukondza u pfumela Rito rero. Rito rin’wana na rin’wana i xiphemu xa Xikwembu xa Matimba hinkwawo; Xikwembu lexi tivonakariseke, xi titsondzerile eRitweni ra Xona, ku kombisa leswaku hi Xona Mani. Ha lerisiwa, tanahi vapfumeri, ku pfumela Rito rin’wana na rin’wana ra Yona. Nakona Yi tsariwile hi Mutsari loyi a nga Xikwembu hi Xoxe. Ku hava na un’we loyi a nga engetelelaka swin’wana eka Yona kumbe ku hunguta swin’wana eka Yona. Loko a swi endleka, a ku ta va miri wo chavisa wa Xikwembu. A wu ta va wu ri na, kumbexani tanahi ntsevu wa tintiho exandleni xin’we, kumbe—kumbe mavoko manharhu, kumbe swin’wana, ku engetela swin’wana, ku hunguta swin’wana eka yona kutani ku kayivela voko rin’we, ku kayivela rintiho rin’we. Hi yona Miri lowu hetisekeke wa Yesu Kreste. Kutani eka Kreste, ku va wa Xinuna, Muteki, Mutekiwa na yena u yimeriwile eka

Yena. Nakona lava mbirhi i Un'we. "Hi siku rero mi ta swi tiva leswaku Ndzi le ka Tatana, na Tatana u le ka Mina, na Mina ndzi le ka n'wina na n'wina mi le ka Mina." I xifaniso lexi hetisekeke njhani!

¹⁷ Kutani vapfumeri va Rito leri va ntiyiso, lava va Ri amukelaka hi ndlela yaleyo, va Ri pfumela, nakona hi ku lehisia timbilu va yimela switshembhiso swa Rona leswi profetiweke, xin'wana na xin'wana xa swona xi ta vonakarisiwa eka nguva ya xona. Mupfumeri un'wana na un'wana u xi languterile. Mupfumeri un'wana na un'wana loyi a yimeke hi swikunwani swa yena, a rindzerile, hi yena loyi a paluxeriwaka.

¹⁸ Sweswi langutisani emasikwini ya ku ta ka Hosi Yesu. Hikokwalaho ka yini vanhu lavaya va nga n'wi lemukanga Yohana, loko Bibele yi swi vekile erivaleni hi Esaya, "Ku ta va na rito ra loyi a huwelelaka emananga, 'Lunghisan ndlela ya Hosi'?" Muprofeta wa vona wo hetelela loyi va veke na yena, loyi a ri Malakiya 3, u te, "Vonani, Ndzi rhumela ntsumi ya Mina yi ta lunghisa ndlela emahlweni ka Mina." Hikokwalaho ka yini va nga swi vonanga xana? Hikuva a va langutile ehenhleni ka nchumu lowu endliemeke, va veka mianakanyo ya vona ehenhleni ka hungu rin'wanyana leri humeleleke, kutani va tsandzeka ku vona ku vonakarisiwa ka Xikwembu esikwini leri a va hanya eka rona.

¹⁹ Nakona Vakreste, hinkwako, kwalaho hilaha misava yi yimeke kona namuntlha. Handle ka nkanetano, walowo i ntiyiso! Vakreste, hinkwako, va le ku ringetenka ku langutisa endzhaku eka milawu yin'wana ya matikhomelo lamanene leyi tsariweke hi Nkul. Luther, kumbe Nkul. Wesley, Sankey, Finney, Knox, Calvin; leyi, na un'we wa hina a nga taka a nga vulavuli ku biha hi yona, kambe sweswo a ku ri swa siku leri hundzeke.

²⁰ Vafarisi va langutile endzhaku eka leswi vuriweke hi Muxe, kutani va ku, "Hi na Muxe. A hi ku tivi laha Wena u humaka kona."

²¹ Kambe tsundzukani, loko Muxe a ha ri kona, a va nga ku tivi lomu a huma kona. Wa vona? Nakona sweswi va... A swi hlamarisi loko Yesu a te eka vona, "Mi khavisa masirha ya vaprefeta, naswona hi n'wina lava mi va hoxeke kwalahaya." Endzhaku ka loko Hungu ra vona ri ta va ri fambile! Hungu ri ya emahlweni, vanhu va Ri vona, va Ri hlekula (misava ya swi endla). Kutani endzhaku ka loko murhumiya a ta va a hetile nakona Hungu ri ta va ri hetile, kutani va aka dinominexini ehenhleni ka Hungu leri. Kutani kwalahaya va fa, kwalahaya, a va kalanga va vuyela eVuton'wini nakambe.

²² Langutani swa xinkadyana, eka van'wana va n'wina vanhu, nakona ngopfu ngopfu ndzi vulavula na n'wina vanhu va Khatholiki. Xana ma swi lemuka, mi tshama mi hlaya matimu ya xiviri, matimu ya kereke ya Khatholiki ya Rhoma? Hilaha eka

nonganoko wa vaxanisiwa va n'wina, ku sukela eka Mukwetsimi Augustine wa Hippo, i mamiliyonu yangani ya vanhu lava nga riki na nandzu lava dlayeteriweke hi kereke! Ndzi rivele, ndzi nga ka ndzi nga vuli nhlayo ya xiviri, kambe yi le henhla eka mamiliyonu, ku sukela eka Mukwetsimi Hippo wa... Mukwetsimi Augustine wa Hippo, eAfrika, u swi endlile xiylambanyo leswaku a ku ri ku rhandza ka Xikwembu ku va ku dlayiya un'wana na un'wana loyi a kanetaka kereke ya Khatholiki ya Rhoma. Xana ma swi lemuka leswaku eka sweswo, leswaku Mukwetsimi Patrick a nga kalanga a tekeriwa enhlokweni kukondza endzhaku ka rifu ra yena, tanihi Mukhatholiki wa Rhoma? U kanetanile na phophu na swendlo swa yena hinkwaswo, kutani kereke ya Khatholiki hi yoxe yi dlayile khume ra magidi ya vana va yena. Xana a mi swi tiva leswaku kereke ya Khatholiki yi hisile Joan wa Arc, wansati lontsongo wa mukwetsimi, emhandzini, hikokwalaho ko... yi ku a ri noyi. Madzana mambirhi ya malembe endzhaku ka sweswo, va yimburile mintsumbu ya vaprista, loko va ta va va swi kumile leswaku a swi hoxekile, kutani va yi chela elwandle, ehandle kova lahla exivandleni xo hlawuleka, ku endla ku tivula ka ku dyoha ka vona.

U nga pfumeleli siku ri hundza hi le henhla ka nhloko ya wena, nakona u va xiphukuphuku.

²³ Hilaha vona vaprista va nga swi lavaka, vusiku lebyi, ku ta emahlweni, lava avanyiseke Yesu. Nchumu wun'we ntsena, a va kalanga va swi vona leswi bvumbhiweke eka awara yaleyo. Loko va... Yesu u te, "Kambisisani Matsalwa, lawa eka Wona mi ehleketa," kumbe, swa antswa, "mi koxaka leswaku mi na Vutomi lebyi nga Heriki, nakona Matsalwa hi wona lawa ya mi byelaka leswaku Ndzi Mani," eka awara yaleyo.

²⁴ Xiyisisani, Bibele yi nga ka yi nga tsandzeki. I nchumu wuri wun'we lowu Yi nga taka yi nga wu endla, Rito ra Xikwembu, ku tsandzeka, hikuva Yi bvumbha mintirho ya Mutsari wa Yona A nga se yi endla.

²⁵ Sweswi, ku na nkarhi wun'we ntsena ehandle ka gidi lowu munhu a nga bvumbhaka leswaku nchumu wun'wanyana wu ya eku endlekeni, kutani wu endleka. Kambe loko a veka *laha* wu nga ta humelela kona, sweswo swa wu hunguta kumbexani ku ya eka nkarhi wun'we ehandle ka kumbe ra magidi. Loko a nga vula *siku* leri swi nga ta humelela ha rona, sweswo swa wu hunguta, nkarhi wun'we ehandle ka miliyonu. Kutani leswaku swi ta humelela eka *mani*, sweswo swi wu vuyisela ehansi eka mabiliyonu ya minkarhi.

²⁶ Kambe Bibele leyi yi mi byele kunene-nene leswaku i *mani*, *rini*, *kwih*, na *leswi* mi faneleke ku langutela, nakona a yi si tshama yi tsandzeka na kan'we. Hikokwalaho, eka mbulavurisano lowuntsongo ku nga ri khale ngopfu, na muprista

wa kereke ya Sacred Heart ehenhla lahawani; u te, “Nkul. Branham, u le ku ringeten ka ku kanetana na Bibele.” A ku, “Yalawa i matimu ya kereke.”

Ndzi ku, “A hi matimu. I Xikwembu, hi Xoxe, enkandziyisweni.”

A ku, “Xikwembu xi le kerekene ya Xona.”

²⁷ Ndzi ku, “Xikwembu xi le Ritweni. Nakona nchumu wun’wana na wun’wana lowu hambaneke na Rona, a wu vi vunwa. Hikuva Xi te, ‘Rito ra Mina a ri vi ntiyiso kutani rito ra munhu un’wana na un’wana ri va vunwa.’”

A ku, “Hi nga kanetani.”

²⁸ Ndzi ku, “A ndzi kalanga ndzi ku kombela ku kanetana, kambe Bibele ya vula leswaku, ‘Tanani, a hi kanerisaneni kun’we.’”

²⁹ Yi bvumbha mintirho ya Mutsari A nga se yi endla. Hikokwalaho, ku vula sweswo, kutani sweswo swi veka wanuna un’wana na un’wana na wansati un’wana na un’wana, eXitulwini xo Avanyisa, ehandle ka ku tilandzula kun’wana na kun’wana. Loko u teka leswi Methodist yi swi vulaka mayelana na Yona, leswi Baptist yi swi vulaka mayelana na Yona, leswi Khatholiki yi swi vulaka, leswi Pentekosta yi swi vulaka, kumbe kereke yin’wana na yin’wana, u nga ha kuma ku khomiwa hi tingana eku Avanyisiwени. Kambe loko u nga languta leswi Bibele yi vulaka leswaku swi ya eku humeleleni, kutani loko swi humelelaka, u ta swi lemuka leswi humelelaka.

³⁰ Sweswi, a swi le rivaleni lero vanhu hinkwavo va nga swi vona, hikuva Yesu u khensile Xikwembu ku va xi swi fihlile ematihlweni ya lavo tlhariha na lava manu, kambe xi swi paluxerile lavantsongo lava nga ta dyondza. Ehleketa ni hi Xikwembu xa Matimba hinkwawo xi tshamile eRitweni ra Xona N’wini, na matimba yo pfala matihlo ya lavo fuma na lavo ka va nga xiximi na—na swidyondzeki, xi va pfale matihlo leswaku va nga Xi voni, kutani xi pfurile matihlo ya swisiwana na lavo ka va nga dyondzanga.

³¹ Xiyisisani vanhu lava a va huma eEmaus, U te matwisiselo ya vona—vona mayelana na Yena a ya siveriwile. Va vulavurile na Yena nakona a va swi tivanga leswaku a ri Mani, siku hinkwaro. Xikwembu xi nga swi endla sweswo, hikuva hi Xona Xikwembu.

³² Sweswo hileswi Xi swi endleke eka vaprista lavaya, vatsari lavaya, hikuva Swi tsariwile leswaku Xi fanele ku endla tano. Xikwembu xi va pfarile matihlo leswaku hi ta va na nkarhi. Xiyisisani, a va nga ta swi vona, swi nga ri na mhaka hilaha a va ri swidyondzeki ha kona, hilaha a va ri vaprista ha kona, leswi va swi endleke, a va tama va nga Swi voni, hikuva a va file matihlo. Ku vona ka vona ku nga va ku vile makume mbirhi-makume mbirhi, hi xinyama. Kambe ku vona ka vona ka ximoya!

³³ Nchumu lowu fanaka lowu a ndzi ringeta ku wu vula emixweni lowu mayelani na vuoswi bya vavasati, ku ambala hi ndlela leyi va endlaka ha kona sweswi. Hi vona vaoswi. Ebukwini ya Xikwembu va na nandzu wa vuoswi nkarhi hinkwawo loko va ambala swiambalo leswi langutekaka tanihi swa vugangu. Mimoya-xiviri ya vona, yi nga ri eku swi tiveni. Ndza pfumela leswaku vavasati, vunyingi bya vona, magidi ya vona, a va na nandzu, nakona hi mukhuva wihi na wihi va nga ka va nga byi endl vuoswi. Kutani vavasati va swisiwana, na un'wana loyi a nga ta va tshika va hundza na swona, ehandle ko swi paluxa na ku vula ntiyiso, va endla vuoswi. Leswi, Bibebe yi nge te, "Muoswi loyi a tshameke ehenhla ka mati yo tala, loyi tihosi hinkwato ta misava na vanhu hinkwavo va misava, tikereke na swin'wana, ti endleke vuoswi bya ximoya na yena. Nakona a ri MANANA WA TINGHWAVAVA," tidinominexini.

³⁴ Hi langutisa Bibebe, hikuva Xikwembu a xi hi siyi emunyameni. Xi hi rhumerile Bibebe ku hi bvumbhela swiendlakalo loko swi nga si humelela, na wona ntumbulukon na nkarhi lowu ti nga ta ta ha wona.

³⁵ Sweswi, i nchumu wo tanihi ku langutisa khalendara ku ta vona leswaku i wavungani. Loko mi ehleketa, mi vula leswaku lowu i Mugqivelha, Sonto, i yini xana? Langutisani khalendara. Khalendara yi ta mi byela leswaku i siku rihi. Loko mi vona swendlo swa vanhu, kumbexani ku ya ekerekeni, mi vona e...mi twa tinsimbhi ti ba, ma tivutisa leswaku i siku rihi. Langutisani khalendara, yi ta mi byela leswaku i siku rihi.

³⁶ Kutani loko mi vona kereke yi sungula ku va tanihi misava, tanihi laha a yiri ha kona hi masiku ya Sodoma, mi vona kereke ya misava hinkwayo yi ya endzeni ka...ku gandzela "xikwembu xa nguva leyo biha," nakona loko mi vona sweswo; kutani mi vona ntlawa lowuntsongo wu hlanganile ehansi ka huhutelo wa Xikwembu, wu ri karhi wu humesa Vutomi bya Yesu Kreste nakambe, hi Matsalwa leswi swi faneleke ku humelela, mi tiva awara leyi mi hanyaka eka yona.

³⁷ Bibebe leyi ya bvumbha, hi vuprofeta, leswaku i siku muni leri hi hanyaka eka rona, na leswaku i nkarhi muni lowu hi hanyaka eka wona, na leswaku i swiendlakalo swa njhani leswi faneleke ku humelela. Yi swi bvumbha kunene-nene ku ya hi letere, nakona a yi se tshama yi hupa na nguva na yin'we, nkarhi hinkwawo. Ku hava nkarhi na wun'we laha Yi nga tshama yi hupa, naswona A yi nga swi endl, hikuva lava kunguhateriweke ku swi vona va ta swi vona. Yesu u te, "A ku na munhu loyi a nga taka eka Mina, loko a nga kokiwanga hi Tatana wa Mina, kutani hinkwawo lava Tatana a Ndzi nyikeke vona va ta ta." I Rito ri joyinaka Rito. Ri nga ka ri nga endl swin'wanyani. Ha ri tiva, siku leri hi hanyaka eka rona.

³⁸ Kambe tanihi laha swi veke ha kona eka nguva yin'wana na yin'wana, vanhu va pfumelela munhu a veka vutoloki bya yena eka Rito leri, na ku vanga leswaku vona va pfaleka matihlo eka xiendlakalo lexi humeleleke. I nchumu lowu fanaka na lowu swi wu endleke eka Vafarisi na Vasaduki. Hambiloko Paul a yimile kwalahaya kutani a ringeta ku tshaha Matsalwa, nakona wanuna un'wana u n'wi phakatile exikandzeni hikokwalaho kova a n'wi virule muprista wa le henhla khumbi leri basisiweke. Kutani va hundziwile hi ku vona loko Xikwembu xi tiyisisa Rito ra Xona leri profetiweke.

³⁹ Wa vona, Bibele a yi tikaneti hi Yoxe; Bibele i Xikwembu. Ku hava nkanetano eka Xikwembu; Xi hetisekile.

⁴⁰ Kambe vanhu, na vutoloki bya vona vinyi! Xiyisisani sweswi, ndzi pfumeleleni ndzi mi komba, vanghana. Tikereke ti nga ka ti nga pfumelelani tona hi toxo eka 'vutoloki bya Rona. Methodist yi nga ka yi nga pfumelelani na Baptist, Baptist na Presbyterian, Presbyterian na Pentekostal. Na kwalomu ka makume mune wa mavandla yo hambana-hambana ya Pentekosta, ya nga ka ya nga pfumelelani hi xiwona. Swingaleswi ma swi vona, sweswo swi ta va Babilona nakambe, yi pfilunganyeka.

⁴¹ Kambe Xikwembu xi endla vutoloki bya Xona N'wini bya Rito ra Xona. Xi wu tshembisile nchumu lowu, kutani xa wu endla hi Xoxe. Xa nyika, hi Xoxe, vutoloki bya wona, hikuva Xa Titivisa eka awara yaleyo. I mpfhuka wo tanihi kwihi laha e—e Miri wa Kreste wufikeke kona, ku suka emilengeni ku ya enhlokweni!

⁴² Xiyisisani, kutani xexo hi xona xivangelo xo va vanhu lava va tsandzeka ku swi kuma, hikuva va yingisa leswi munhu un'wana a swi vulaka mayelana na Rona, ematshan'wini yo hlaya Rito tanihi laha Yesu a va byeleke ku endla ha kona, "Hi Wona Lawa ya vulaka vumbhoni ha Mina. Lavisisani Matsalwa, lawa eka Wona mi ehleketa leswaku mi na Vutomi lebyi nga Heriki, nakona Hi Wona lawa ya vulaka vumbhoni ha Mina." Hi marito yan'wana, yingisani, "Yini? Hlayani Matsalwa kutani mi vona leswi Mesiya a fenele ku swi endla. Languta leswaku i nkarhi muni lowu Mesiya a feneleke ku fika ha wona. Langutani loyi a fanele ku rhangela Mesiya emahlweni. Langutani awara ya kona. Ku fanele ku va na rito ra loyi a huwelelaka emananga, Yohana. Nakona mi n'wi endlile leswi mi swi longoloxeke. Langutani leswi a Ndzi fanele ku swi endla loko Ndzi fika. Kutani xana sweswi mi endlile yini? Xana Ndzi tsandzekile ku fikelela Leswi?" Wa vona, i Yesu a vulavulaka, "Xana Ndzi tsandzekile ku fikelela Leswi?"

⁴³ Xiyisisani, tanihi loko hi rhelela hi Matsalwa ndzhengha lowu, hilaha hinkwaswo leswi profetiweke mayelana na Yena swi humeleleke hi ndlela leyi a swi fanele ha kona. A va fanele va xi tivile xiendlakalo lexi. "Xifamona lexi, Nakulorhi lontsongo

u pfukile, kwalomu ka makume nharhu-nharhu wa malembe hi vukhale kutani...kumbe makume nharhu wa malembe hi vukhale, kutani a ya le hansi nakona a ya koxa tinxaka hinkwato ta Mavoni, na Matuva lawa ya tlhandlukaka. Nakona, hikokwalaho ka yini, ntsena a ku ri e—e tingana.” Va ku, “U tswariwile hi vatswari va swihunguki, U koxa leswaku u tswarile hi ntombhi.”

⁴⁴ Kasi a va nga fanelanga ku va va swi tivile leswaku Esaya u te, eka Esaya 9:6, “Hikuva hi velekeriwe N’wana”? Kasi a va nga swi tivi nakambe leswaku muprofeta Esaya u te, “Wanhwana u ta tika nyimba”? A va fanele va swi tivile swilo leswi. Kambe, ma swi vona, mhaka ya kona a ku ri leyi, a va swi yisile ekule le mahlweni. Kutani Wanuna loyi, eka vona, a nga fikelelanga xipimanyeto. Kambe U va komberile, “Lavisisani Matsalwa, hikuva mi ehleketa leswaku mi na Vutomi lebyi nga Heriki eka Wona, kasi hi Wona Lawa ya vulavulaka vumbhoni hi Hungu ra Mina.” Ku nga ri leswi vuriweke hi un’wana wa vativi va swa vukhongeri; kambe leswi Xikwembu, Rito ra Xona N’wini, ri vuleke leswaku swi ta humelela! Amen!

⁴⁵ Swingaleswi swi tano sweswi! Lavisisani Matsalwa, hikuva hi Wona Lawa ya hi byelaka hi awara leyi hi hanyak a eka yona, ya hi byele hi ku kongoma leswi nga ta humelela emasikwini lawa. Hi Wona lawa mi faneleku tshemhela eka wona, hikuva hi Wona Lawa ya vulaka vumbhoni hi Munhu wa Yesu Kreste. Hikuva Bibele yi vurile, leswaku, “Hi la fanaka tolo, namuntlha, na hi masiku,” hikuva hi Yena nhlavutelo wa Rito eka nguva leyi. A ku nga vi na ku hambana.

⁴⁶ Hikokwalaho hi ku yingisela vutoloki bya munhu, va vona ku tiyisisiwa ka Rito ra Xikwembu ku ri eku fikelekeni, va tsandzeka ku Swi vona. Hikuva, swi ya emahlweni nkarhi hinkwawo, kambe hikuva va yingisa...Nakona Yesu u te, “I varhangeri va mabofu.” Kutani loko bofu ri rhangela bofu, ku humelela yini hi vona? Tsundzukani sweswi, Bibele yi bvumbhile leswaku nguva leyi ya vudyondzisi ya Nguva leyi ya Laodekiya a yi ri bofu. A va ri na Yena ehandle ka kereke. Ku hava nguva yin’wana, nguva yin’wana ya kereke, leyi Yesu a ri ehandle. Kambe eka Nguva ya Kereke ya Laodekiya, A ri ehandle, a ringeta ku vuyela endzeni, “Ndzi yimile enyangweni nakona ndza gongodza.” A fanele ku va a ri endzeni. Kambe U te, “Leswi u nge, ‘Ndzi mufuwi, ndzi tifuwisile, a ndzi pfumali nchumu,’ nakona a wu swi tivi, a wu swi tivi leswaku u bofu, u rhangerile mabofu, xisiwana emoyeni, u mutsandzeki, u le khombyeni, a wu ambalanga nchumu, nakona a wu swi tivi.” Xana i mpfil...Loko wanuna a nga ambalanga nchumu exitarateni, a ri ekhombyeni, bofu, nakona a ri na miehleketo yo ringana leswaku u nga n’wi byela leswaku a nga ambalanga nchumu, a ta ringeta ku endla swin’wana mayelana na swona. Kambe loko a dzungudza nhloko ya yena, a ku, “A ndzi nge Swi teki. U

mani wena u nga ta ndzi byela leswi ndzi faneleke ku swi endla? Ndza ku tiva laha ndzi yimeke kona.” Sweswi, loko sweswo ku nga ri xivumbeko lexi terisaka vusiwana, a ndzi swi tivi. Kutani sweswo hileswi Xikwembu xa Bibele leyi xi vuleke leswaku kereke yi ta va eka swona, eka nguva leyo biha sweswi, eka nguva ya kereke yo hetelela leyi hi hanyaka eka yona.

⁴⁷ Xiyisisani, kambe eka vanhu, “Hinkwavo lava Ndzi va rhandzaka, Ndza va tshinya.” Sweswi, loko mi tshinyiwile hi Hosi, eka leswi mi swi endlaka, kutani humani eka swona! Fambelani ekule na swona. “Hinkwavo lava Ndzi va rhandzaka, Ndza va tshinya.”

⁴⁸ Sweswi, ku vona Xikwembu, sweswi, ku ngaku loko Vafarisi lavaya va nga ku, “Yimanyana. Wanuna luya u hi nyike ntlhontlo wukulu, U te, ‘Lavisisani Matsalwa, lawa eka Wona mi ehleketa leswaku mi na Vutomi lebyi nga Heriki; Ya vulavula hi Mina.’ Swa antswa ndzi languta endzhaku eka Matsalwa kutani ndzi kuma leswi A faneleke ku swi endla, leswaku hi Yena Mani, i yini leswi faneleke ku humelela. Ndzi fanele ku tlhelela endzhaku ndzi ya lavisia?” Ematshan’wini ya sweswo, va yile eka vaprista na ku ya va vutisa, “Miri yini hi Swona?” Ma ku vona ku hambana? A va fanele va ri eku hlayeni ka Rito.

⁴⁹ Eka Vaheberu 1:1, Bibele yi te, “Xikwembu, hi minkarhi leyotala,” leswi swi nga, “minkarhi ya khale na mikhuva leyo hambana-hambana xi tsarile Bibele hi vaprofeta.” Xiyisisani sweswi, Xi tsarile Bibele hi ndlela leyi xi yi hlawuleke hi Xona N’winyi. Wa vona? Sweswi, a Xi nga boheki ku Yi tsala hi ndlela yaleyo, nakona a Xi nga boheki ku ponisa munhu hi Ngati. A xi nga boheki ku chumayela Evhangeli hi munhu; a Xi ta va xi pfumelerile dyambu kumbe n’weti kumbe tinyeleti ti chumayela Evhangeli, a Xi ta va xi pfumelerile moyo ku va wu hamuta Evhangeli. Kambe Xi hlawurile munhu! Nakona Xi hlawurile ndlela leyi Rito ra Xona ri teke ha kona, kutani sweswo a ku ri hi vaprofeta va Xona lava a va kunguhateriwile na ku vekeriwa emahlweni, ku va xiphemu xa Rito ra Xikwembu, ku vika nhlavutelo wa Rito ra Xona eka nguva yaleyo na nkarhi walowo. “Hikuva Rito ra Xikwembu ri tile eka vaprofeta ntsena.” Ri nge tshuki Ri tile eka mutivi wa swa vukhongeri. Ndzi kombeni Matsalwa. Ri ta ntsena eka vaprofeta. Xikwembu xi nga ka xi nga hembi. Swingaleswi Xikwembu xi tsarile Bibele hi ndlela leyi Xona xi Tihlawuleleke yona, na vaprofeta lava Xona xi Tihlawuleleke vona; ku nga ri vaprofeta lava hlawuriweke hi vanhu, kambe vaprofeta lava hlawuriweke hi Xikwembu.

⁵⁰ Kutani vapfumeri va Yona va hlalela ku fikeleleka ka leswi vaprofeta va vona va swi vuleke, nakona sweswo i xikombiso xa leswaku i vaprofeta va Xikwembu. Hikuva, xo sungula, va huhuteriwile. Lexi landzelaka, va tshama hi ku kongoma na Rito

ra awara. Kutani sweswo i swibumabumelo swa yena. Wa vona, hi nghenile eka sweswo Sonto lowu nga hundza. Vaprofeta votala va mavunwa va ta pfuka. Nakona hi nyikile swikombiso swa hilaha Balaam na Muxe, ha vumbirhi bya vona a va totiwile hi Moya wun'we, un'we wa vona u te, "Hinkwerhu hi van'we. A hi hlanganeni, hi velka vanhwenyana va hina na hinkwavo kun'we. Hi na vanhwenyana vo xonga lahawani, kutani n'wina majaha tanani haleni mi ta titekela vavasati va kahle. Sweswo swi kahle, hinkwerhu hi vanhu van'we, hambiswiritano, hi rixaka rin'we." Xikwembu a xi kalanga xi va rivalerile hikwalaho ka swona. Va yingisile sweswo.

⁵¹ Wa vona, misava na e—e vanhu va languterile nyangwa wo karhi, ntsemakanyo wo karhi, xindledyani xo karhi xo koma, kambe ku hava tindlela to koma eRitweni ra Xikwembu. Ku na Ndlela yin'we. U fanele ku titsema ku va u ringanelia Ndlela yaleyo, ku nga ri ku ringeta ku tsema Ndlela leswaku yi ta ku ringana. Munhu un'wana na un'wana u fanele ku endla sweswo. Yaleyo i ndlela yin'we leyi Xikwembu xi nga na yona yo swi endla.

⁵² Xiyisisani sweswi, vapfumeri va yimerile ku va Rito rero ri tiyisisiwa. Wa vona, a Ri tsariwanga hi munhu, kambe hi Hosi Xikwembu, hikokwalaho a hi Yona buku ya munhu.

⁵³ Munhu un'wana u te, "Kova ntsena matsalwa ya khale ya Xiheberu." Xana Vaheberu a va ta tsala papila leri va avanyisaka hi vox? Xana rixaka lera kahle ra Vayuda, lava tiendeleke vito na ku tipholicha, xana a va ta tsala hi ku homboloka ka vona, va tiavanyisa hi vox? Kunene a va nga ta swi endla. Va vulavula hi vudyoho bya vona vinyi, hilaha va ngheneke eka swa hava, hilaha va endleke vumbhisa ku lwisana na Rito ra Xikwembu? Ee, ee. A va nga ta swi vula sweswo, rixaka lero tibuma.

⁵⁴ A hi buku ya munhu. I Buku ya Xikwembu. Nakona vavanuna lava voneke swivono kumbe ku twa Rito ra Xikwembu, a va swi twisisanga (eminkarhini yo tala) vona vinyi, hi minkarhi yo tala. Wa vona? Munhu a nga yi tsalanga Bibe. Xikwembu hi xona xi tsaleke Bibe. A hi yona... A hi yona buku ya munhu. I Buku ya Xikwembu. I mianakanyo ya Xikwembu leyi hlamuseriweke hi nomo wa munhu. Sweswo hileswi Yi endlaka yi va Bibe. Mianakanyo leyi hlamuseriweke i rito. Kutani eku sunguleni a ku ri na Mianakanyo ya Xikwembu, Xi Yi hlamuserile hi milomo ya vaprofeta va Xona na ku Yi tiyisisa hi malandza ya Xona. Wa vona? Xiyisisani.

⁵⁵ Xikwembu xi Tihlawulela hi Xoxe, hi ku kunguhatela, xi hlawurile vaprofeta va tinguva hinkwato. Swi xiyisiseni. Xi lunghisa ntumbuluko wa muprofeta yaloye ku va a ringanelia nguva yaleyo. Wa vona, Xi ringanerisa maendlelo ya yena ya swilo, hinkwaswo leswi a swi endlaka. Xi n'wi ringanerisa hambi u dyondzile kumbe u nga dyondzaka. Xi ringanerisa tinyiko,

hi mukhuva lowu a nga ta chumayela hi wona, tinyiko leti a nga ta va na tona. Kutani Hungu ra nguva yaleyo, Xikwembu xi kunguhaterile nchumu wo karhi ku va wu humelela nakona ku hava nchumu wun'wana lowu nga ta teka ndhawu ya wona. A ndzi na mhaka leswaku i yini, i swingani leswi fikeleriweke swo endliya hi munhu, ku hava nchumu lowu nga ta wu tekela ndhawu. Xi kunguhaterile munhu, kumbexani munhu loyi a nga tiviki nchumu. Xi nga va xi n'wi kunguhaterile muxaka wun'wana wa munhu. Hambi a nga va a ri yini, Xi n'wi nyika ntlawwa wa yena, nyiko ya yena—yena, xi n'wi nyika ntumbuluko wa yena, maendlelo ya yena ya swilo, na hambi ku nga va yini, hilaha a tihlamusetaka ha vuyena, na hambi ku nga va yini leswi a swi endlaka. Xi endla leswaku munhu wa awara a khoma vanhu va awara. Hi swona. Xa swi endla.

⁵⁶ Emakumu ka nguva yin'wana na yin'wana, loko kereke yi hundzulukerile emisaveni na le vudyohweni, na ku tiseketela hi vutoloki bya munhu eRitweni. Tanihi nkarhi hinkwawo, minkarhi hinkwayo va tshamela, emakumu ka nguva, ku va eka mpfilungano wonghasi hi vativi va swa vukhongeri va vona na vaprista kukondza swi tshama swi ri pfilinganyekile. Tanihi minkarhi hinkwayo vutoloki bya vona byi hoxekile, ku hava nkarhi na wun'we laha byi nga tsandzeka ku va lebyi hoxekeke. Nakona ku hava nkarhi na wun'we laha Rito ra Xikwembu ri nga tsandzeka ku va leri lulameke. Kwaloko i ku hambana ka kona.

⁵⁷ Ma swi vona sweswi, Xikwembu xi tsarile Bibele, hi Xoxe. Sweswi, Xikwembu xa vulavula. Muxe u te Xi vulavurile na yena. Yeremiya u te, "Xi vekile Marito enon'weni wa mina." Nakona Xikwembu xa tsala. Xi tsarile swileriso swa khume hi rintiho ra Xona N'winyi. Xi tsarile emakhumbini ya Babilona. Kutani, tsundzukani, eka Testamente ya Khale ntsena, eka magidi mambirhi ya minkarhi vaprofeta va te, "LESWI SWI VULAKA HI HOSI!" Xikwembu xa vulavula, Xikwembu xa tsala. Hakunene. Kwalomu ka makume nkaye wa tiphesente ta Matewu, Marka, Luka, na Yohana, i Marito ya Xikwembu hi Xoxe, ku ri Yesu Kreste a vulavulaka. Swingaleswi, loko Ku ri leswaku Xikwembu xa tsala, loko ku ri leswaku Xikwembu xa hlaya, loko ku ri leswaku Xikwembu xa vulavula, xana Xi nga tsandzeka ku endla leswaku na van'wana va swi endla? Xana a Xi vulanga eka Muxe leswaku, "Xana i mani loyi a endlaka munhu a va mbheveve kumbe i mani loyi a n'wi nyikaka ku vulavula xana?" Xikwembu xi tsarile Bibele hi vaprofeta, yi nga ndlela ya Xona yo swi endla.

⁵⁸ Nkarhi hinkwawo sweswi loko kereke yi hlanganana (nakona Xikwembu xi swi tiverile emahlweni leswaku va ta swi endla, hikuva Xi tiverile swilo hinkwaswo emahlweni), hikokwalaho Xi va na muprofeta wa Xona loyi a lulameleke nguva yaleyo, ku vitana nhlawulo wa Xona hi Rito ra Xona leri kombisiweke ra swikombiso na swihlamariso, na ku tiyisisiwa

ka Rito ra Xona, “ku tiyisisa Rito hi swikombiso leswi ya swi landzelelaka,” tanihi laha Xi tshembhiseke ha kona. Xi nyika ku toloka ka ntiyiso endzhaku ka loko muprofeta hi xiviri a ta va a kombisiwile.

⁵⁹ Hinkwavo kambe lavaya, vahlawuriwa lava a rhumiweke eka vona, va n’wi venga. Sweswi, kambisisani xinkadyana xin’wana na xin’wana kutani mi vona loko sweswo ku ri swona kumbe ku nga ri swona. Ntsena lava A rhumeriweke eka vona! “Utile eka Varikwavo, kutani Varikwavo a va n’wi amukelanga. Kambe hinkwavo lava nga N’wi amukela, U va nyikile eka vona matimba ya ku hundzuka vana va Xikwembu.” Xiyisani, a ku na . . . xikambelo xin’wana na xin’wana xa Rito, eka xinkadyana xin’wana na xin’wana, na le makumu ka nguva yin’wana na yin’wana kumbe emaninginingini kumbe emahandzeni, tanihi laha ndzi chumayeleke hi swona minkarhi leyo tala.

⁶⁰ Langutani eka nguva ya Nowa, emaninginingini ku nga se va na ku avanyisa. Ku humelerile yini xana? Nowa, a ku ri ndyangu wa yena ntsena lowu a wu n’wi pfumela. Lavan’wana hinkwavo a va n’wi sandza. Kutani ku herisiwile misava hinkwayo.

⁶¹ Hi masiku ya Abraham, i ntlawwa wa Abraham ntsena lowu pfumeleke. Loko Tintsumi ti ta va ti yile ti ya chumayela eSodoma, i Lot ntsena na nsati wa yena na vana va yena vambirhi va xisati lava humeke, kutani wansati u langutile endzhaku a hundzuka tshuka ra munyu.

⁶² Hi masiku ya Muxe, i vahlawuriwa va Israel ntsena lava humeke. Nakona Faro a n’wi venga.

⁶³ Hi masiku ya Eliya, hinkwaswo (hakanyingi) kambe nkombo wa magidi ya vavanuna, un’wana na un’wana wa vona a n’wi venga, rixaka hinkwaro.

⁶⁴ Hi masiku ya Yeremiya, hikokwalaho ka yini, va n’wi hoxeterile hi mihandzu ya magaga, na ku n’wi vula xifamona, hikuva u etlerile hi tlhelo ra yena eka masiku yo tala swinene, na hi tlhelo lerin’wana, kutani–kutani a teka swilo na ku endla mimfungho. A va n’wi venga.

⁶⁵ Muprofeta Esaya, u avanyisile rixaka leriya swonghasi kukondza va n’wi saha hi le xikarhi hi saha. Hi swona.

⁶⁶ Yohana Mukhuvuri. “A ri munhu wa nhova ehansi lahaya, xipandza-nhloko xa ku kalakala.”

Hinkwavo kambe—kambe vadyondzisiwa lavaya a va tiseleke Yesu Kreste tanihi kereke! Hi sweswo. Yohana u lulamerisile vanhu. I vangani lava a ri na vona? U nga va hlayela hi tintiho ta wena hinkwato . . . mavoko ha mambirhi, tintiho ta wena, leswaku i vangani lava Yohana a va yiseke eka Yesu loko A fika. Sweswi, swi ta va njhani hi ku Vuya ka Yena ka vumbirhi? Ehleketani hi swona.

⁶⁷ Kambe loko vapfumeri va ntiyiso va Bibele va vona Rito ri kombisiwile erivaleni swonghasi eka nguva ya kona, va pfumela. Ku hava ndlela yo va sivela eka Rona, va Ri pfumela. Va lema na vumbhoni bya vona hi ngati ya vona. Va Ri pfumela. Hi kona swi vaka eka vona, lava kunguhateriweke, leswaku swi va eka nguva yo karhi leyi vonaka na ku pfumela.

⁶⁸ Van'wana a va swi koti ku Ri vona; va pfariwe mahlo. Sweswi, mi ri, "Va nga ka va nga Ri voni." Sweswi, kukotisa Balaam, hikokwalaho ka yini Balaam a nga swi vonanga Sweswo? A ri muprefeta, loyi a totiweke. Hikokwalaho ka yini Faro a nga Swi vonanga? Loko a vonile voko ra Xikwembu ri xikela ehansi kutani ri endla mahlori kwalahaya, ntsena swi lo nonohwisa mbilu ya yena. A hi swona sweswo xana? Hikokwalaho ka yini Dathan a nga Swi vonanga, Muyuda hi yexe? Kona kwalahaya, u hundzile eLwandle leri Feke, na ku dya mana vusiku byin'wana na byin'wana, lawa ya weke ya ha ri yantshwa, nakona hambiswiritano a nga Swi vonanga. Hikokwalaho ka yini Kora a nga Swi vonanga? Hikowalaho ka yini Khefas a nga Swi vonanga? A ri nhloko ya vukhongeri bya misava enkarhini walowo. Hikokwalaho ka yini a nga swi vonanga leswaku a ku ri Mesiya? Hikokwalaho ka yini Yudas a nga Swi vonanga? Yudas a ri kwalahaya na vona, a famba na vona, a endla mahlori na vona. Kambe Rito a ri fanele ku fikeleleka. Bibele yi vula leswaku va pfuxeriwe ku teka ndhawu yaleyo. Va pfuxeriwe xikongomelo xexo. Walowo i ntiyiso. Varhoma 8 yi vula tano.

⁶⁹ Sweswi vapfumeri va swi vona leswaku Rito ri endliwile nyama eka rixaka ra vona, Xikwembu xi le ku vulavuleni. Sweswi, vona vapfumeri va ntiyiso, vona lava nkombo wa magidi (kumbe a ku ri nkombo wa madzana?) emasikwini ya Eliya. Nkombo wa magidi ya lulamile. Emasikwini ya Eliya, a ku ri na nkombo wa magidi wa vavanuna ku suka eka kwalomu ka mbirhi kumbe nharhu wa mamiliyon, lava swi voneke leswaku Sweswo a swi lulamile. Ku nga ri hambi madzana ya vanhu, hi kuhetiseka. Kambe va swi vonile leswaku Sweswo a swi ri ntiyiso. Va vonile Xikwembu xi vonakarisiwa. Noni ya khale leyi Elixa a rhumeriwile eka yona, a yi yile ku ya rhotelia tihunyi letiya, ku ta endla ximbhundhwa, nakona leti ringaneleke ku endla ximbhundhwa xa yena na n'wana wa yena, kutani va ta fa. Kambe vonani Eliya, u te, "Ndzi endlele xin'we, ku sungula. Hikuva, HI LESWI SWI VULAKA HI HOSI, mapa ya nga ka ya nga heli embiteni na hambi yari mafurha ya nga ka ya nga heli exikhuwutini kukondza Hosi Xikwembu a rhumela mpfula ehenhleni ka misava." A nga vutisanga nchumu, u sukile a famba ku ya endla ximbhundhwa a n'wi nyika xona. U te, "Endla xa mina ku sungula, kutani u ya u ya endla xa wena na n'wana wa wena." Hikuva, u twile wanuna yaloye, nakona u n'wi langutile; a ri mbewu leyi kunguhateriweke.

⁷⁰ Votala va vona va ri, “Hi luya munhu loyi a nga tolovelekangiki nakambe. Xikwembu xi hi rhukanile hikokwalaho ka yena,” ma n’wi tsundzuka, Eliya. Va ku, “Hi wena loyi a pfilunganyisaka Israel.”

⁷¹ U te, “Hi wena loyi a pfilunganyisaka Israel.” Ma n’wi vona loyi Xikwembu...A Xi kombisa Rito ra Mani xana? Rito ra Xona N’winyi.

⁷² Sweswi Bibele yi vula leswaku a va pfuxiwile hi xikongomelo lexi, kambe loko...e—loyi a nga pfumeriki. Kambe sweswi loko mupfumeri wa ntiyiso a nga vona Rito ra nguva yaleyo ri endliwa nyama, Xikwembu xi ri eku vulavulen hi nomo wa munhu nakona xi ri eku endleni ka leswi Xi vuleke leswaku Xi ta swi endla, sweswo swa swi tshamisekisa!

⁷³ Sweswi swi langutiseni hinkwaswo ka swona. Mi nga langutisi swikombiso. Loko mi langutisa swikombiso, mi ta mphutisiwa kukotisa misava. Vaprofeta va mavunwa va ta pfuka va endla swikombiso na swihlamariso leswi nga ta hambukisa vahlawuriwa loko swi nga koteka. Langutisani Rito, Langutisani vaprista lava, vaprofeta lava, muprefeta wa Muheveru loyi a yimeke lahaya. Zedekiya na timhondzo timbirhi letikulu, a ri karhi a ku, “Ndzi muprefeta loyi a vekiweke ximfumo hi Xikwembu.” I ntiyiso. “Ndzi na madzana manharhu na makume nkaye-nkaye wa lava nga na mina lahawani, nakona Moya lowo Kwetsima wu le henhla ka hina, wu tiyisisa na ku vula leswaku tiko leriya i ra hina. A hi yeni hi ya ri teka. Kutani hi timhondzo leti, Akab, u ta susumetela nala ekule na misava ya hina, hikuva Xikwembu xi hi nyikile misava.”

⁷⁴ Langutani wanuna lowa vukhongeri, wanuna wa kahle, Yosafat, u te, “Xana a ma ha ri na un’wana xana?”

⁷⁵ “Un’wana? Ku na mune wa madzana lava pfumelelanaka!” A ku, “Ina, ku na un’wana kwala, kambe ndza n’wi venga.” A ku, “U tshamela ro hi holovela hinkwerhu ka hina na ku hi byela hilaha hi nga vadyohi lavakulu ha kona, na hinkwaswo.” A ku, “Ndza n’wi venga! Yena, hi yena Mikya, n’wana Yimla.”

⁷⁶ U te, “Oho, hosi yi nga tshuki yi vula sweswo. N’wi landzeni hi ta twa leswaku u ri yini.”

⁷⁷ Swingaleswi va n’wi tisile kwalahaya. A ku, “Ndzi nyikeni vusiku lebyi kutani ndzi ta vona leswaku Hosi yi ri yini hi mayelana na swona.”

⁷⁸ Akab a ku, “Ndza ku lerisa, u nga ndzi byeli swin’wana ehandle ka ntiyiso.”

⁷⁹ Kutani wanuna u tile, a ku, “Sweswi, loko u lava ku tlhelela eka xinakulobye xa kahle, vula tanahi laha lavan’wana va vuleke ha kona.”

Mikya u te, “Ndzi ta vula ntsena leswi Xikwembu xi swi vulaka.” Wa vona?

⁸⁰ Emixweni lowu landzelaka, va humerile ehandle. Tihosi ti ambele tinguvu ta tona, va tshamile enyangweni, hinkwavo lavo duma. Muprofeta a yimile kwalahaya. Va ku, “Sweswi, xifamona, u ri yini mayelana na swona?”

⁸¹ A ku, “Tlhandluka.” A ku, “Kambe ndzi vonile Israel ri hangalakile kukotisa tinyimpfu leti nga riki na murisi.”

⁸² U mak-... u tlakusile voko kutani a n’wi phakata enon’weni. Muprofeta u phakatile muprofeta enon’weni. Sweswi, ha vumbirhi vaprofeta lava totiweke lava yimeke lahaya, va profetile, mune wa madzana ku lwisana na un’we, sweswo a swi languteka swi tiyile. Sweswi, eka vunyingi bya vatsundzuxi a hi nkarhi hinkwawo ku nga na vuhlayiseki. Swi ya hi ku hi kwishi va nga... leswi va tsundzuxaka mayelana na swona, leswi ku tsundzuxa ka vona ku nga swona. A ku nga ri na ku hlayiseka eka hosi lahaya, nakona yi tekile ku tsundzuxa ka vunyingi lebyiya tanahi loku ku lulameke. Kambe loko a yi lo yima kutani yi hundzuluxa tsalwa-songwa na ku langutisa leswi Eliya a ha ku swi vula.

⁸³ Kutani, Mikiya a nga ta vula nchumu, a nga swi tivi, loko kumbexani Xikwembu xi n’wi rivalerile eka swona. Kambe xo sungula, ku va a ri muprofeta, u yile eka Xikwembu ku ya kumisisa leswi Xikwembu xi swi vuleke. Nakona u swi kumile leswi Xikwembu xi swi vuleke. U te, “Ndzi vonile Xikwembu xi tshamisile exilovelweni, kutani Xi ku... a xi ri na va tsundzuxi hinkwavo va Xona va le Tilweni va hlengeletanile ekusuhi na Xona, xi ku, ‘I mani loyi Hi nga ta n’wi rhumela le hansi a ya kanganyisa Akab ku va a humela ehandle lahawani, leswaku hi mukhuva wun’wana Hi ta fikelela vuprofeta lebyi endliweke mayelana na yena?’”

⁸⁴ Wa vona, vuprofeta, Eliya se a vurile leswaku, “Timbyana ti ta lakatsela ngati ya wena.”

⁸⁵ Kutani u te u “vonile moyo wo hemba wu huma ehansi, wu humelela, wu ya emahlweni ka Xona, wu ku, ‘Ndzi ta ya ehansi ndzi ya nghena eka vaprofeta va yena, vaprofeta va Akab, kutani ndzi va endla leswaku va profeta vunwa.’”

⁸⁶ Sweswi, Xikwembu xi swi tivile leswaku vanhu a va kukumukile na ku tala hi ntivo-vukwembu lero a va ehleketa leswaku swa vona hinkwaswo swi tshamisekile. A va kalanga va ri xiysisa Rito ra awara. Swingaleswi Xikwembu xi te, “U ta hlula; rhelela kona.” Kutani loko Mikiya a vule sweswo, swi endlile leswaku vona va profeta hi moyo lowo biha. Va hlomulerile pulaka ehandle ka riqingho, kumbe ku tima xiyan-moya, kumbe ku endla swin’wana na swin’wana; va swi twile Sweswo loko swi ta ku lwisana na vona, va tlakukile va humela ehandle. Kambe vonani leswi humeleleke. Sweswi, Mikiya a fanele ku kambisia xivono xa yena hi Rito leri tsariweke, hikokwalaho u swi tivile.

⁸⁷ U te, “Loko ndzi vuya . . . Hoxani munhu loyi ekhotsweni, mi n’wi phamela vuswa bya khombo na mati ya khombo. Loko ndzi vuya, ndzi ta tirhana na yena.”

⁸⁸ A ku, “Ku ngaku loko u ta vuya, Xikwembu a xi vulavulanga na mina.” Sweswo hiloko a swi tiva leswaku xivono xa yena xilulamile na Rito rin’wana na ri’wana ra awara yaleyo. A ku ri nkarhi wa Akab.

⁸⁹ Boti, sesi, lowu i nkarhi na awara ya ku vitaneriwa ehandle ka Babilona. Mavoni ya ni madyambu ya kwala. Fambani eku Vonakaleni loko ka ha vonakala. Xiyisisani, vapfumeri va vonile Rito ri vonakarisiwa nakona va Ri pfumerile. Yesu u te, “Tinyimpfu ta Mina ti tiva Rito ra Mina, Rito ra Mina, swikombiso swa Mina swa nguva. Leri ra vunwa a ti nga ri landzeli.”

⁹⁰ Sweswi a hi ngheneni eka tsalwa ra hina, hikuva ndza swi vona leswaku ndzi ta ya ekule. Ndzi lava ku tlhokovetsela eka layini yaleyo ya xikhongelo swinene. A hi tlheleleni etsalweni sweswi hi ri tekeleke enhlokweni, lahwani xinkadyananyana. Hi swona, swi ta humelela nakambe tanahi laha swi tshameleke ku endlekisa xiswona, hi ntolovel.

⁹¹ Xikwembu xi rhumerile muprofeta wa Xona, Yohana, tanahi laha Rito ra Xona ri swi vuleke, swi tshembhisiwile eka Malakiya 3, “Vonani, Ndzi ta rhumela murhumiwa wa Mina emahlwени ka Mina, ku ta lunghissa ndlela.” Yohana u mbhoniyerile nchumu lowu fanaka. Kutani ha swi kuma nakambe, eka Esaya 40:3, leswaku Esaya u te, “Ku ta va na rito ra muprofeta, leri huwelelaka emananga, ‘Lunghisani ndlela ya Hosi.’” Wa vona? Vuprofeta byebyo hinkwabyo! Nakona—nakona vonani, xiyisisani hi xihatla, Matsalwa ya n’wi tivisile.

Loko va ku, “U mani xana? Xana u Mesiya ke?”

A ku, “A ndzi yena.”

“U Yeremiya xana? Vaprofeta, kumbe un’we wa vona?”

⁹² A ku, “A ndzi yena. Kambe hi mina rito ra loyi a huwelelaka emananga, hilaha muprofeta Esaya a nga vula ha kona.”

⁹³ Mi ehleketa leswaku a va ta swi pfumela sweswo? Ee, nkulukumba. Hikokwalaho ka yini? A nga tanga hi kereke ya vona. A nga ri wa vona . . . Wa vona, u yile emananga a ha ri na nkaye wa malembe hi vukhale, nakona u humile a ri na makume nharhu. Hungu ra yena a ri ri lerikulu swimene ku va a ngaya exikolweni xa ntivo-vukwembu; a ri loyi a nga ta vika e—e Mesiya. Nakona un’wana na un’wana a ta n’wi kokela eka ndlela *leyi* na ndlela *yaleyo*. Kutani Xikwembu xi n’wi rhumerile emananga, endzhaku ka rifu ra tata wa yena, Zakariya. Nakona a ri muprista, kambe a nga kalanga a landzerile ntila wa tata wakwe.

⁹⁴ Hikuva, vaprofeta a va humi kona eka swilo swo tanihi sweswo. Va huma ematikweni ya rikhwarha, emananga. A ku na munhu loyi a tivaka laha va humaka kona, kumbe hilaha va fikaka eka mbono, kumbe yan'wana ya matimu ya vona. Vo humelela ntsena kutani va chumayela Rito, nakona Xikwembu xa va teka, kutani va ya ekule; va avanyisa rixaka rero, nakona va ya emahlweni eRitweni ra Xona, va yimerile siku lerikulu.

⁹⁵ Kereke a yi n'wi pfumelanga, hikuva a va nga n'wi tivi. A va nga ri na vuxokoxoko bya ku vekiwa ka yena etibukwini ta vona, swingaleswi va n'wi arile. Wa vona, a va pfumelanga Rito ra Xikwembu leri kombisiweke, erivaleni, letere hi letere. Wa vona? Malakiya 3, Matsalwa mambirhi yo n'wi kombisa, Malakiya 3 na Esaya 40:3. Wa vona, Matsalwa lawaya ha yumbirhi ya vulavurile hi wanuna loyi a ri eku teni, a ri eku lunghiseni ka ndlela ya Hosi. U fikelerile swihlawulekiso swa kona hinkwaswo.

⁹⁶ A ri loyi a nga ta va muprofeta. "Ndzi ta mi rhumela Elixa." Nakona a ri kona, hi tindlela hinkwato to gwanya. Vonani hilaha ntumbuluko wa yena wu yelanisekeke na wa Eliya. Eliya a ri wanuna wa mananga, swi tano na Yohana; wa ku rhandza ku va ehandle. A nga ri wanuna wo olova, a ri wanuna wo gwanya.

⁹⁷ Xiyisisani nakambe, Eliya a ri muvengi wa vavasati, u byerile Yezabel hi mayelana na tipende ta yena hinkwato, na laha ku khandziywaka kona na ku chika kona. Swi vile tano hi Yohana. Yezabel u ringetile ku dlaya Eliya, a hlambanya hi swikwembu swa yena leswaku u ta n'wi tsema nhloko. Swi vile tano na hi Herodia. Wa vona?

⁹⁸ Tshamani miri karhi mi langutile hungu ra vona, langutani leswi va swi endleke. Sweswi hi kuma leswaku loko ngi a va langutisile endzhaku kutani va vona leswi Bibele yi swi vuleke, na ku langutisa ntumbuluko wa wanuna loyi na hilaha a hetisekile hakona enkarhini hi Matsalwa na hinkwaswo, a va fanele ku va va swi tivile leswaku a ku ri yena. Kwalomu ka hafu ya khume mbirhi a yi swi tiva. Hi swona sweswo. A hi ku tlula hafu ya khume mbirhi leyi nga swi lemuka. Va yile ku ya n'wi yingisela, kambe a va Swi pfumelanga. Wa vona? Hikokwalaho ka yini? A va byi pfumelanga vutitivisi bya vuprofeta eka awara ya vona.

⁹⁹ Xiyisisani, va n'wi hlekurile, va n'wi vula loyi "a kalakalaka, wa nhova, xifamona lexi nga dyondzangiki xo ka xi nga yanga exikolweni, 'bana, u nga ka, dzenengela, rhwala, teka,' na swin'wana." Tanihi ntolovelu va n'wi avanyisile hi ku ya hi dyondzo ya yena. Va n'wi avanyisile hi ku ya hi vuvulavuri bya yena, hi ndlela leyi a ambala ha kona. A ri na xitlakati xa dzovo ra nyimpfu leri n'wi phutseleke, na ku va a tikhamile xisuti hi vamba ra dzovo ra kamela, a tlhumile hi misisi. A fambela ematini; a nga ri na kereke, a nga ri na bence, a nga ri na

vutirhisani; a va nga ta swi amukela sweswo; a va gandzela xikwembu xa misava. Wa vona?

¹⁰⁰ A ndzi vuli swona leswaku sweswi ku hava vaprofeta va mavunwa lava humelelaka, kukotisa Yambre na Yane. Kambe ndlela leyi mi lavaka ku endla ha kona, i ku kambisisa hungu ra xiviri hi Rito, kutani mi ta va mi swi kumile; leswaku i nguva muni leyi swi nga eka yona, nakona hi swihi leswi profetiweke hi nguva yaleyo.

¹⁰¹ Kutani vuprofeta bya Yohana byi kombisiwile hi nonganoko wa Xikwembu hi Xoxe. Vonani hilaha swi hetisekeke ha kona. Bibele yi te, “Rito ra Hosi ri ta eka muprofeta.” Nakona Yesu a ri Rito ra kona. Nakona Yohana a profeta hi ku ta ka Rito ku ta fikelerisa; nakona Yesu, la nga Rito, u tile eka muprofeta, ematini. Oho, ku saseka ka swona! Hilaha ri nga tsandzekiki... Wa vona? Rito a ku ri nchumu lowu a wu kala swinene enkarhini walowo. Hiloko ku ta muprofeta, a ri karhi a ku, “Hi mina vhoyisi ya Rito.”

Va ku, “Hi ta endla yini xana?”

¹⁰² A ku, “A ndzi lulamelanga ku ntshuxa tintanghu ta Yena. Kambe Un’wana u kona exikarhi ka n’wina, kun’wana, hi Yena loyi A nga ta mi khuvula hi Moya lowo Kwetsima na Ndzilo. Xiberisa-moya xa yena xi le vokweni ra Yena, kutani U ta kukula swinene-nene xivuya xa Yena, nakona u ta hisa mungu hi ndzilo lowu nga timekiki, na ku hlengeletela mavele enguleni.” Oho, i muprofeta muni! Yesu u te a ku se tshama ku va na munhu loyi a tswariweke hi wansati loyi a ri nkulukumba kukotisa yena, ku fikela siku rero. Oho, hilaha swi vombaka ha kona! Hilaha a tiva laha a yimile kona! A ku tiva hakunene-nene. A swi twile ku suka eka Xikwembu, nakona a swi fana kunene-nene na Rito, swingaleswi a nga ri na mhaka na leswaku vanhu va ri yini. U Swi chumayerile na ku Swi profeta, hambiswiritano. Nakona vonani, loko munhu a yimela leswi nga Ntiyiso, kutani Xikwembu xi boheka ku kombisa munhu yaloye tanahi wa Ntiyiso.

¹⁰³ Loko Muxa a rhelerile le Egipta, na ku vula leswaku, “A ndzi ri le emananga halahaya, kutani ndzi vonile xihlahla xi ri eku pfurheni, nakona a xi nga heli. Ndzi tshinelerile xihlahla, nakona, loko ndzi swi endlile, a ku ri na Langavi lerikulu ra Ndzilo leri a ri lenga lenga kwalahaya. Kutani Rito ri ku, ‘NDZI YENA LOYI A NGA YENA.’ Nakona U ndzi byerile ku teka nhonga leyi kutani ndzi rhelela lahwani ndzi ta endla mahlori lawa, nakona Xikwembu xi ta kombisa Rito ra Xona.” U tlakusile nhonga ya yena, hiloko ku huma tinhwala na mabawa, na munyama na swin’wana. Kutani ku kombisa muprofeta yaloye, Xi vuyiserile vapfumeri lavaya entshaveni, naswona Xikwembu xi xikerile ehansi hi Langavi leri ri fanaka

ra Ndzilo, kwalahaya entshaveni leyi fanaka, kutani xi khorwisa leswaku sweswo a swi lulamile.

Sweswi vonani leswi Xi swi endleke esikwini leri. Kunene-nene.

¹⁰⁴ Sweswi, Rito ri tile eka muprofeta kutani ri n'wi kombisile ku va a ri munhu wa ntiyiso, munhu yaloyi Matsalwa ya vuleke leswaku u ta va yena. Hi ku hatlisa sweswi. Kambe, nakambe, Yesu u tile hi xivumbeko lexi hambaneke na vutoloki bya vona lebyi endliemeke hi munhu bya vuprofeta. Munhu u tolokile leswi swi nga ta va xiswona. Hakunene. Mapresbyterian ma ehleketa leswaku ku fanele ku va vona. Langutisani loko Xikwembu xi endla xin'wana na xin'wana, langutisani loko vandla rin'wana na rin'wana ri pfuka na xin'wana. Ina, swi vile tano hi minkarhi hinkwayo. Va na Yambre na Yanne hinkwako. Xiyisisani, va virule xiphemu xa Rito. Kambe, hi ku ya hi Rito ra muprofeta, i Letere rin'wana na rin'wana!

¹⁰⁵ Va swi hupile nakambe, tanahi ntolovel, va N'wi vula mubvumbhi, “javulosi; Beelzebub,” na ku vula leswaku U Tiendla Xikwembu, laha a va fanele ku va va swi tivile, hi Bibele ya vona, leswaku A ri Xikwembu.

Xiyisisani, U profetiwile hi Esaya, Esaya 9:6, yi te, “Vito ra Yena ri ta thyiwa Xikwembu Xa Matimba, Tatana Loyi a nga Heriki.” A ku nga ha ta va na vatatana van'wana endzhaku ka sweswo, hikuva A ri Tatana wo rhanga eku sunguleni, hi Yena Tatana un've ntsena; u te, “Mi nga tshuki mi vula munhu ntsena laha misaveni, ‘Tatana,’ hambi ku ri, endzhaku ka sweswo.” “Hi Yena e—E Xikwembu xa Matimba, na Tatana Loyi a nga Heriki, Mutundzuxi, Hosana ya ku Rhula.” Hakunene.

¹⁰⁶ Sweswi, va N'wi endlile hinkwaswo leswi vaprofeta va swi longoloxeke leswaku va ta swi endla, ntsena tanahi laha va nga eku swi endleni eka yona Nguva leya Laodekiya, va N'wi veka ehandle ka kerek. “Bofu, a wu ambalanga nchumu, nakona a wu swi tivi.” Ntsena leswi muprofeta a swi vuleke, muprofeta wa Bibele. Hi ku pfariwa mahlo hi mindhavuko ya vanhu, va N'wi humesele ehandle, Rito ehandle ka tikereke ta vona, tanahi ntolovel, tanahi laha swi nga profetiwa ha vona.

¹⁰⁷ Xiyisisani sweswi, hi xihatla sweswi. Sweswi mi nga hundziwi hileswi. Hi leri tsalwa, hilaha Yesu a Titiviseke eka vadyondzisiwa lava vambirhi leswaku A ri Mesiya wa vona! Sweswi, matihlo hinkwawo a ya vi haleno. Nakona le handle etikweni, mi nga hundziwi hileswi sweswi. Hi ringetile ku mi byela leswaku Bibele i Rito ra Xikwembu, yi tsariwile hi Xikwembu hi Xoxe, hi nomo na vutirhiseki bya munhu. Xikwembu xa tsala, hi Xoxe. Xikwembu xa vulavula, hi Xoxe. Xikwembu xi nga endla leswi Xi swi lavaka, kambe Xi hlaurile munhu hikuva munhu loyi a Yi tsaleke a ri xiave xa Xikwembu. Swingaleswi, Xikwembu xi tsarile Bibele. Vavanuna lavaya a va

nga swi tivi na leswi a va ri eku swi tsalen, hi ku ehleketa ka vona vinyi ka ximunhu. Va nga ha kanetana na Yona, kambe va Yi tsarile. A va nga ta swi kota. Bibele yi te, “Vavanuna va khale, tanahi laha a va susumetiwa hi Moya lowo Kwetsima!” Xikwembu xi famba-fambisile mavoko ya vona, xi famba-fambisa matihlo ya vona eka swivono. A va nga ta vula nchumu ehandle ka leswi a va swi langutile. A va nga ta vulavula nchumu, hikuva a Xi ri na vulawuri hinkwabyo bya tindzimi, tintiho, xirho xin’wana na xin’wana xa miri a xiri eka vulawuri hinkwabyo bya Xikwembu. A swi hlamarisi ku va Bibele yi vurile leswaku a va ri swikwembu, a va ri xiave xa Xikwembu! A ri vutalo bya Xikwembu.

¹⁰⁸ Xiyisisani hilaha Yesu, la nga Rito, a endleke vadyondzisiwa vambirhi lava tshovekeke timbilu ku va va swi tiva leswaku hi Yena Mesiya wa vona, Mesiya, Rito leri tshembhisiweke. Xiyisisani leswi A swi endleke, U kongomisile eka vuprefeta. Xiyisisani, “Swiphukuphuku, lava hwelaka ku pfumela hinkwaswo leswi tsariweke hi vaprefeta.” Sweswi, A nga kalanga a ku, “Hi swona, i yini, i yini leswi kereke yi swi vulaka mayelana na swona?”

¹⁰⁹ Va N’wi hlayerile xitori. A va tiva swiendlakalo hinkwaswo leswi humeleleke. Hinkwavo a va khunguvanyekile. Va sungurile ku N’wi hlayela, “Xana U nga va u ri muendzi ntsena lahawani, kumbexani A wu titivi timhaka leti humeleleke eYerusalem?”

¹¹⁰ U te, “Hi tihi?” tanahi loko A nga swi tivi. Wa vona, U endla swilo nkarhi wun’wana ntsena ku ta vona leswaku mi ta endla yini hi swona. Wa vona? A ku, “Hi tihi? A ku ri mani? Ku humelele yini?”

¹¹¹ “Xana U nga va u ri muendzi ntsena?” Nakona a va ri eku vulavuleni na Wanuna loyi va hanyeke na yena kwalomu ka malembe ya nharhu na hafu, naswona a va nga N’wi tivi.

“Hi tihi? Ku humelele yini?”

¹¹² “Hi swona,” va ku, “Yesu wa Nazareta, loyi ngi a ri Muprefeta. A ku na ku kanakana emiehlekeweni ya hina. A ri wa matimba eRitweni na hi mintirho emahlweni ka vanhu hinkwavo. Hi N’wi vonile loko a endla swilo leswaku A tivisiwile ku va Muprefeta wa Xikwembu eka nguva leyi. Ha swi tiva sweswo. Nakona a hi tshembhile leswaku hi Yena loyi a nga ta va Mukutsuri, leswaku U ta kutsula Israel.”

¹¹³ Kutani A hundzuluka a ku, “N’wina swiphukuphuku, va timbilu leti hwelaka ku pfumela leswaku hinkwaswo leswi vaprefeta va swi vuleke mayelana na Yena leswaku a swi nge humeleli?” Wa vona? Vonani loko sweswi A tlhelela eka vuprefeta. I xitshinyo muni eka vapfumeri, lava a va koxa leswaku va N’wi pfumela!

¹¹⁴ Xiyisisani hilaha A kongomeke dyondzo leyi. A nga kalanga a humelela kutani a ku, “Hi mina Mesiya wa n’wina.” A ta va a swi endlile, hikuva a ri Yena. Kambe xiyisisani U titivisile eRitweni hi Yexe, leswaku va ta swi tiva. Loko A swi vurile, A ta va a swi vurile nakona a swi ta va swi nga vanga tano; kambe loko A yile a ya sungula ku vulavula hileswi vaprofeta hinkwavo va swi vuleke mayelana na Yena, kutani va swi vonile, kutani a va ta tibyela vona hi voxé, loko ku ri leswaku a va ri vana va Xikwembu. Kambe u kokile rinoko ra vona eka leswi vaprofeta va swi bvumbheke na ku vula leswi faneleke ku languteriwa hi nkarhi lowu Mesiya, nguva ya Yena, yi nga ta vonakarisiwa. Yena, tanihi Yohana, u pfumelerile Rito, Bibele, ku tivisa Hungu ra vona. Muprofeta un’wana na un’wana wa ntuyiso a ta swi endla. Ina. A nga humelelanga kutani a ku, “Ndzi Yena. Ndzi. . .” Yaloye a hi muprofeta wa Xikwembu wa ntuyiso. Wa vona? Kambe U te, “Tlhelelani eMatsalweni.” Wa vona, A nga tsandzekisanga ndlela ya Yena yo swi endla. Wa vona?

U te, “Hi tiva Muxé.”

¹¹⁵ A ku, “Loko ngi mi tivile Muxé, a mi ta va mi Ndzi tivile na mina.” A ku, “Muxé u tsarile hi ta Mina.” A ku, “Lavisisani Matsalwa, eka Wona mi ehleketa leswaku mi na Vutomi lebyi nga Heriki, kasi Matsalwa hi wona lawa ya vulavulaka hi Mina. Yanani mi langutisa eMatsalweni kutani mi swi vona.”

¹¹⁶ Lahawani A nga kalanga a cinca ndlela ya Yena yo endla swilo, a nga kalanga a cinca. A nge tshuki a cincile, hikuva hi Yena Xikwembu lexi nga cinciki. Wa vona? Xiyisisani U tlhelerile eka vadyondzisiwa lavaya vambirhi, Kleopa na munghana wa yena, endleleni yo ya eEmaus, kutani a vula, a va kongomisa eMatsalweni, a ku, “Hikokwalaho ka yini mi ri na vuphukuphuku swonghasi ku ka mi nga pfumeli leswaku Rito rin’wana na tin’wana leri vaprofeta va ri tsaleke mayelana na Mesiya ri ta fanelia ku fikeleleka xana?” Oho, i siku ra njhani!

¹¹⁷ Yohana u endlile nchumu lowu fanaka. “Lavisisani Matsalwa, langutani endzhaku, va te ku ta va na ‘rito ra loyi a huwelelaka emananga.’ Xana ndzi huma kwih?” Wa vona? Sweswo, sweswo a swi fanele ku va swi va vekele swona erivaleni. Hi swona!

¹¹⁸ Swi fanele ku wu veka erivaleni namunthla, nchumu lowu hi vonaka Moya lowo Kwetsima wu ri eku wu endleni. U tshama a ku, “Lavisisani Matsalwa.” Kutani hi. . . U lava hina hi swi endla namunthla.

¹¹⁹ Xiyisisani, U sungurile hi vuprofeta bya Muxé, Bibele yi te, “Yena, u sungurile hi Muxé ku yisa eka vaprofeta hinkwavo,” kambe U sungurile hi Muxé. “Muprofeta,” ku vula Muxé, “Hosi Xikwembu xa n’wina xi ta pfuxa exikari ka n’wina vanhu, exikarhi ka vanhu. Hosi Xikwembu xi ta pfuxa Muprofeta.”

¹²⁰ Sweswi A nga va a te, “Kleopa, na munghana wa wena lahawani, xana Muxe a nga swi vulanga leswaku Hosi Xikwembu xi ta pfuxa Muprofeta ke? Kutani Wanuna loyi va n’wi vambeke, A swi fikelela swilaveko xana? Sweswi, Muxe u profetile leswi. Nakona sweswi a mi se va na muprofeta ku ringana madzana na madzana ya malembe, kutani hi loyi Wanuna loyi a pfuxiweke. Nakona xana i mani loyi a rrangeleke Wanuna emahlweni, mi te i mani?” Ma swi kuma? Kutani hinkwaswo leswi vaprofeta va swi vuleke mayelani na Yena, eka nguva ya Yena, U vulavurile na vona hi swona. Hakunene a swi ta va swi ri leswi tsakisaka ku N’wi yingisela. Xana a mi nga ta swi tsakela ku N’wi twa? A ndzi ta va ndzi tsakerile ku N’wi twa, ku N’wi twa, leswi A vuleke leswaku vaprofeta va swi virile mayelana na Yena, kambe A nga kalanga a vula leswaku a ku ri Yena. U lo va kombisa ntsena hi vuprofeta. U virile ntsena leswaku, “Muprofeta u virile leswaku leswi swi ta humelela.” Wa vona?

¹²¹ A hi tlheeleni endzhaku ntsena timinetse tintsongo, kutani sweswi a hi yingiseni Marito lawa ya tshahiweke ku suka eka Yena. Vonani lahawani, Rito hi Roxe ri ri eku tshaheni ka Rito hi Roxe. Rito hi Roxe ri titshahela Rito hi Roxe. Ku nga ri ku va byela leswaku A ri sweswo, kambe ntsena ku pfumelela Rito ri vulavula hi Roxe, kutani va swi tivile leswaku A ri Mani. Letere ra Rito, ri tshaha Rito eka... Rito hi nyama, ku tshaha Riro ra letere, ku va ri tivisiwile hi ku hetiseka na Yena. Vonani lahawani, sweswi a hi n’wi yingiseni loko Yena a tshaha. Hilaha... Sweswi, ha switiva leswaku hinkwavo va tivisiwile swintsongo hileswi a swa ha ku humelela, leswi nga, ku vambiwa na xitorhi xa ku pfuka, sirha, tanahi laha hi swi hlayeke. Sweswi U kongoma eRitweni ra vuprofeta mayelana na Yena. Sweswi a hi anakanyeni leswaku U virile leswi; U virile swotala ku tlula leswi, kambe vonani.

¹²² A hi nge Yena...ku N’wi twa a ku, “Pfulani eka Zakariya 11:12. Kutani xana Mesiya a nga fanelanga ku xavisiwa, hi ku ya hi muprofeta, hi kwalomu ka makume nharhu wa swiphemu swa silivhere ke? Ma ha ku vula leswaku Wanuna loyi u xavisiwile hi makume nharhu wa swiphemu swa silivhere. Pfulani eka...” Mi le ku ma kumeni Matsalwa? Zakariya 11:12. Kutani U te, “Xana mi kale mi swi lemuka leswi Davida a swi vuleke eka Tipisalema, Tipisalema 41:9? A ta xengiwa hi vanghana va Yena. Kutani nakambe, eka Zakariya 13:7, U tshikiwile hi vadyondzisiwa va Yena. Nakona eka Tipisalema 35:11, u lumbetiwile hi timbhoni ta vunwa. Ma ha ku vula leswaku A ri tano. Esaya 53:7, A nga pfulanga nomo emahlweni ka valumbeti va Yena. Esaya 50:6, va N’wi bile, ku vule muprofeta. Tipisalema 22, A ta rila exihambanweni, ‘Xikwembu xa Nga, Xikwembu xa Nga, xana U Ndzi tshikele yini?’ U swi endlile sweswo xana, tolweni na ndzhengha? Tipisalema 22 nakambe, 18, tinguvu ta Yena

a ti aviwile exikarhi ka vona. Xana va swi endlile sweswo? Naswona eka Tipisalema 22:7 ku fika eka 8, U hlekuriwile hi valala va yena, ku nga kereke. Tipisalema 22 nakambe, a ku ri hava rhambu emirini wa Yena Ieri a ri ta tshoviwa, kambe ‘va tlhavile swandla swa Mina na minkondzo ya Mina,’ U vule tano. A yise mavoko ya Yena endzhaku ka Ŷena, a ku na ku kanakana, hi nkarhi walowo. “Esaya 53:12 yi te A ta fela exikarhi ka swidyozi. Esaya 53:9 yi te U lahliwile na xifumi. Tipisalema 16:10 yi te, ‘Ndzi nga ka ndzi nga tshiki moyaxiviri wa Yena etiheleni, naswona Ndzi nga ka ndzi nga pfumeli leswaku Loyi a Kwetsimeke wa Mina a vona ku bola.’ Nakona xana Malakiya 3 a nga ri yena loyi a rhangaleke Wanuna loyi emahlweni xana?” Oho, a ndzi ta va ndzi tsakele ku N’wi twa loko a swi tshaha sweswo. Vonani vuprofeta! Xiyisisani, kutani hinkwaswo swifananiso leswi A nga vaka a hundzile eka swona, mayelana na Isaka, eka Geneza 22, hilaha Xikwembu xi endleke xikombiso hi Isaka, hilaha tatana Abraham a tekeke n’wana wa yena n’winyi, a hlengeleta tihunyi entshaveni, a nyikela n’wana wa yena n’winyi.

¹²³ Sweswi se a swi sungula ku nwelela eka vona. A hetile ku va byela leswaku va vile swiphukuphuku hikuva va nga langutanga vuprofeta bya siku rero. Nakona sweswi a swi sungule ku nwelela endzeni, va sungula ku vona ku fikeleleka ka hinkwaswo leswi nga humelela eka masiku mantsongo lawa ya nga ha ku hundza, eka malembe mambirhi kumbe manharhu lawa ya hundzeke, vuprofeta bya nguva lebyi kombisiweke. Ku vile kona laha va nga swi tiva leswaku Munghana wa vona loyi a vambiweke, Yesu, u fikelerisile Rito rin’wana na rin’wana ra leswi. Oh, ku vile kona laha va nga swi tiva leswaku Wanuna luya hakunene a ri Mesiya, leswaku—leswaku U fanele ku pfuka ku suka eku feni. “Sirha a ri nga ta N’wi khoma. ‘Ndzi nga ka ndzi nga pfumeli leswaku Loyi a Kwetsimeke wa Mina a vona ku bola.’ Ku hava Rito na rin’we ra vuprofeta leri nga tsandzekaka. Nakona U pfukile.”

¹²⁴ “Kutani varhumiwa lavaya le sirheni emixweni lowu a va tiyisile. U pfukile eku feni. Wa hanya. Hi yena Mesiya wa kona.” Hikokwalaho ka yini? Mi nga swi tsandzeki. “Mintirho ya Yena, ministri wa Yena na hinkwaswo leswi A swi endlile swi kombisiwile hi ku kongoma tanahi Marito lawa muprofeta a ya vuleke leswaku swi ta humelela esikwini leri. Sweswo swi swi endlile.” Kutani va swi tivile leswaku a ku ri Yena, Munghana wa vona loyi a vambiweke, Yesu, loyi a swi endlile. A swi hlamarisi ku va timbilu ta vona ti pfurhile endzeni ka vona loko A ri karhi a vulavula na vona. Sweswi se a va fambile ntsevu wa timayili, nakona a swi languteka tani onge i xinkadyana.

¹²⁵ Nakambe hi lowu nchumu wun’wana lowu va wu endlile, ma wu tiva, va twile nchumayelo wa tiawara ta ntsevu hi ku kombisiwa ka vuprofeta. Sweswo hileswi A vulavuleke na vona hi swona endleleni. Ntsena loko va ha ku sungula ku rhelela

hi ndlela, U humelerile, hikuva A ri kwalahaya Yerusalem. Endzhaku ka tiawara ta ntsevu...endzhaku, tistadiya ta makume ntsevu, a va ri eka ntsevu wa timayile ku ya eEmaus. Sweswo hileswi nga swona. Kutani U chumayerile, a tiyisisa vuprofeta ku ringana tiawara ta ntsevu. Mi nga ndzi soli eka tinharhu ta mina, kutani, wa vona. Wa vona? Kambe xiyisisani, va chumayerile...Yena...Va vile na nchumayelo wa tiawara ta ntsevu hi ku tiyisisiwa ka vuprofeta, lebyi nga kombisiwa.

¹²⁶ Sweswi se a ri kongoma nkarhi wa ni madyambu. Ma swi tiva, Hi la fanaka tolo, namuntlha, na hi masiku. Ku vile kona laha A nga va pfula matihlo leswaku va swi tiva leswaku Vaheberu 13:8, Hi la fanaka tolo, namuntlha, na hi masiku. Hi nkarhi wa ni madyambu, swiendlakalo swi vekiwa erivaleni hi vuprofeta. Leswi humelelaka eka awara ya ximanguva lawa swi nga hatla swi tivisiwa loko ntsena mi nga pfumela vuprofeta bya awara.

¹²⁷ “Ina, swiphukuphuku, lava hlwelaka ku twisia, lava hlwelaka ku pfumela (mi tshamela ku tivutisa hi swona), ku pfumela leswaku hinkwaswo leswi vaprofeta va swi vuleke mayelana na Mesiya, a swi nga fanelanga ku humelela xana?” Sweswi U kambisisile timhaka leti hinkwato endzhaku na ku kombisa leswi muprofeta a vuleke leswaku swi ta humelela. Kutani va sungurile ku swi twisia. Swingaleswi U te...a endla kukotisa loko ingi U hundzela emahlweni. Va tsakerile Wanuna loyi. Va ku, “Wena, U hi nyikile swokarhi. A hi kalanga hi swi ehleketa sweswo. U le ku hanyeni kun’wanyana.” A va vulavula na Yena, va nga ri ku swi tiveni. Swingaleswi U...nakona ehandle ko kanakana U va langutile hi ku khunguvanyeka, kutani A sungula ku ya emahlweni, kambe A—A yimele ku va vona va N’wi rhamba. Sweswo hileswi A swi yimeleke vusiku lebyi, ku va n’wina mi N’wi rhamba.

¹²⁸ Xiyisisani, loko vadyondzisiwa lavaya va ta va va N’wi rhambile eka xinakulobye xa vona etafuleni, hi kona laha A nga endla nchumu wun’wana ntsena kukotisa hilaha A endleke ha kona loko A nga se vambiwa, kutani matihlo ya vona ya pfuleka. A va tiva mukhuva wa Yena, maendlelo ya Yena. A va tiva leswi A swi endleke, nakona U swi endlile hi nkarhi walowo ntsena kukotisa hilaha A swi endleke eku sunguleni. Kutani va ku, “Hi Yena!” Nakona va tlakukile hi xihatla ku va va swi huwelela, kutani A nyamalala. Naswona laha va tekeke tiawara ta ntsevu ku va va yingisa nchumayelo lowu, kumbexani hi makume mbirhi wa timenetse va nga va va vevukeriwe emilengeni ku ya byela lavan’wana hinkwavo, “U pfukile hakunene. Wa hanya hakunene.”

¹²⁹ Vanghana, loku i ku fikeleleka ka Malakiya 4, Mukwetsimi Luka 17, Mukwetsimi Yohana 15, oho, yo tala swonghasi, Nhlavutelo 10, vuprofeta byo tala swonghasi lebyi nga

khomanisiwaka kunene-nene na siku leri. Nakambe eBukwini ya Marka na le ka Matewu, laha A vuleke leswaku swikombiso leswikulu na swihlamariso swi ta humeleta empfhukeni, kutani vanhu va ta swi vitana swiphambati, swiphambati leswi hahaka, swi nga—swi nga nyamalala hi matimba na ku hatlisa ka ku anakanya, vutlharki lebyi nga nghenaka endzeni. Wa tsala, Wa vulavula, A nga endla swin'wana na swin'wana leswi A swi lavaka. Rona Langavi lerikulu ra Ndzilo, “la fanaka tolo, namunthla, na hi masiku.” Na mimbono leyi taka emisaveni, tiphiramidi ta musi lowu humelaka emoyeni, le henbla laha ku nga taka ku nga vi na ndzhongho kumbe swin'wana, makume nharhu wa timayili ku ya ehenhla. Swi bvumbhiwile lembe na hafu swi nga se endleka, leswaku swi ta va hi ndlela yaleyo. Kutani hundzuluxani xifaniso mi vona leswaku i Mani la langutiseke ehansi. Ku hava Rito na rin'we leri tsandzekeke leswi nga vuriwa, nakona hi leri Rito ra Xikwembu leri tsariweke, ri nga eku tiyisiseni ka Ntiyiso. Kutani i nkarhi wa ni madyambu nakambe. Ndza tivutisa loko A nga vuya nakambe, hi tintswalo, vusiku lebyi nakona a endla swin'wana sweswi kukotisa hilaha A endleke hakona le ndzhaku. A hi khongeleni na ku N'wi kombela. Swiendlakalo leswi vekiweke erivaleni hi vuprofeta lebyi kombisiweke.

¹³⁰ Xikwembu xa Matimba hinkwawo, hi pfuni. Hi pfuni, Xikwembu lexi rhandzekaka, ku twisia, ku twisia swilo leswi hi faneleke ku swi tiva, ku twisia Rito ra Wena. Nakona sweswi, Hosi, hi twile minchumayelo sweswi ku ya kwalomu ka magidi mbirhi wa malembe, ku tsariwa ka tibuku. Kutani eka masiku lawa yo hetelela swi rheterile endzhaku nakambe, nakona sweswi swi kongomile nkarhi wa ni madyambu. Mamethodist, Mabaptist, Mapresbyterian, na votala va vona ku rhelela hi nguva va vulavurile na Wena, nakona kumbexani kwala ndleleni ya siku lerikulu leri nga vangiki vusiku kumbe nhlekanhi, tanahi laha muprofeta a vuleke ha kona, kambe hi nkarhi wa ni madyambu ku ta va na Rivoni. Yesu u pfukile esirheni kutani a vonakala eka Simon na le ka wansati, na ku va kombisa leswaku Wa hanya. Walowo a wuri mixo. Kutani ni madyambu U vuyile nakambe. Kambe U yile eka vona hi ku famba ka siku, a ri karhi a va tshinya hikwalaho ka vubofu bya vona, kambe U vuye A titivisa eka vona hi nkarhi wa ni madyambu.

¹³¹ Xikwembu, tana eka xinakulobye xa hina vusiku lebyi lexi hi nga na xona eRitweni. Xikwembu, swa kala ku va ri pfumeriya namunthla exikarhi ka vanhu, kambe ndzi khensa swinene ku va ku ri na van'wana lava U va vitaneke na ku va hlawulela eVuton'wini lebyi nga Heriki, nakona U te, “Hinkwavo lava Tatana a va nyiketeke eka Mina va ta ta.” Kutani sweswi loko Mavoni ya ni madyambu ya ha ri eku vangameni, loko Wa ha swi pfumelerile, Hosi, leswaku ku hava vuprofeta na byin'we (ehandle ka madzana-dzana lawa ya veke kona) lebyi nga tshama

byi tsandzeka nkarhi wun'wana. Kutani hi ntiyiso loko sweswo swi titivisa, swi fanele ku va Wena, hikuva ku hava munhu loyi a nga vaka na vukoxometi byo tano. Ntsena kukotisa Bibele, ku hava munhu loyi a ta yi tsala, ku hava na un'we eka ndhawu ya khume ntsevu wa madzana wa malembe, hi makume mune wa vatsari vo hambana, a nga yi tsalaka, nakona ku nga vi na xihoxo na xin'we eka Yona.

Xikwembu lexi rhandzekaka, ndza khongela leswaku U ta tivonakarisa Wena vusiku lebyi, hi Vaheberu 13:8, leswaku U la fanaka tolo, namuntlha, na hi masiku. Nakona mintirho ley U yi endleke le ndzhaku, Wa ha yi endla na namuntlha. Naswona U swi tshembhisile, U ku, "Emasikwini lawa yo hetelela, loko misava yi ta va yi tshamile kukotisa Sodoma na Gomora, vuencenyeti." Hi languta vafana lava swonghasi va kotisaka vanhwenyani, va ambele swiambalo kukotisa vona, nakona—nakona na vona vanhwenyani va ringeta ku tikhoma tanahi vafana, na swona hi vona vavasati na vavanuna eka nguva ley encenyetiweke, vunavetisi bya swa masangu byi hundzukile e—e xifaniso xa vugandzeri. Evhangeli yi susumeteriwe ethelo, na ku ka ku nga ambariwi eka kereke ya Laodekiya. O Xikwembu, i awara muni! Tana, Hosi Yesu, Titivisi eka hina. Hikuva ha swi kombela hi Vito ra Yesu.

¹³² Sweswi loko ma ha korhamisile tinhloko ta n'wina, matihlo ya n'wina ya pfariwile, ndzi ya eku mi vutiseni ka swin'wana. Ma pfumela leswaku Xikwembu xi kona lahawani? Xana ma pfumela leswaku swilo leswi Xi swi endlaka namuntlha i ku fikeleka ka vuprofeta xana? Xana ma pfumela leswaku Yesu Kreste hi la fanaka tolo, namuntlha, na hi masiku? Xana ma pfumela leswaku loko A ha ri lahawani na ku vonakarisiwa enyameni eka siku rero, na mintirho ley A yi endleke, yi fanele ku tlhela yi endlwa nakambe eka siku leri? Muprofeta u vurile tano. Bibele yi vurile tano. Matsalwa hinkwawo ya fanele ku fikeleriwa, swi nga ka swi nga tsandzeki. Xana U titivisise ku yini Yena? Hi ku va Muprofeta loyi Muxa a vulavuleke hi yena. A tiva swihundla swa le timbilwini ta vanhu. Wansati u khumbhile nguva ya Yena, A hundzuluka a ku, "Ripfumelo ra wena ri ku hanyisile." Loko Simon Petro a tile eka Yena, U n'wi tivile hi vito, a n'wi byela leswaku hi yena mani, leswaku tata wa yena a ri mani. Nakona yena Yesu loyi wo rhandzeka a nga fanga, Wa hanya hilaha ku nga heriki. A ku dzunisiwe Xikwembu! Kutani ndza pfumela, enkarhini lowu wa ni madyambu sweswi, leswaku U hi vitanile kun'we nakambe.

¹³³ O Hosi Yesu, tana exikarhi ka hina. U nga hi hundzi. Tana, tshama vusiku hinkwabyo na hina kukondza vusiku lebyi byi hundza, kutani u hi pfumelela hi famba na Wena mundzuku; hi ta Ku tiva hi matimba ya Wena ya ku pfuxiwa, leswaku rirhandzu ra Wena na tintswalo na ntsetselelo swi ta va na hina.

O Xikwembu lexi nga Hundziki, hi nyike swilo leswi. Ha swi tiva leswaku i Xikwembu xiri xoxe lexi nga nyikaka swilo leswi.

¹³⁴ Eku xiximeni ka awara leyи, hi pfumeleli hi vula leswi. Xikwembu, Tata wa hina, nyama ya hina i tabernakele ya Wena leyи siwanekke. Kambe, Hosi, pfumelela tintswalo ta Wena leti kwetsimisaka, Moya wa Wena lowo Kwetsima, wu ta sweswi. Hi basise eku kanakaneni hinkwako na mimpfilunganyo hinkwayo, ku ehleketelela hinkwako na tilayini hinkwato to kanakana ku tsandzeka ku kholwa leti nga vaka endzeni ka hina, leswaku hi nga va lava ntshukekeke ehandle ka ku kanakana; hi humela erivaleni, hi tivula vudyoho hi vurhena kukotisa Petro, "Wena u Kreste, loyi a fanaka tolo, namuntlha, na hi masiku."

¹³⁵ Ha pfumela leswaku Rito ra Wena i Ntiyiso, Hosi. Hi pfumeleli ntsena ku vona, loko hi nga se sungula layini leyи ya xikhongelo, Hosi, Titivisi eka hina. Tanihi laha U nga te, "Tanihi laha a swiri xiswona emasikwini ya Lot," loko Abraham, ntlawa lowu vitaniweke lowu a wu yimerile n'wana wa xitsembhiso, Lot a ri le hansi a ri karhi a twa Billy Graham wa ximanguva lawa na Oral Roberts eka maendlelo lawaya ya xidinominexini kwalahaya, tanihi tiko. Kambe Abraham a ri muendzeri loyi a nga ri na vandla na rin'we, ntsena ntlawa lowuntsongo lowu tsendzelekaka etikweni leri a fanele ku va mudyandzhaka wa rona. "Kutani lavo rhula va ta dya ndzhaka ya misava." Siku rin'wana, ehansi ka ndzhuti wa nsinya, loko va ha tshamile, va wisile, Xikwembu xi enhlerile ehansi hi xivumbeko xa Munhu. Tintsumi timbirhi ti rhelerile eSodoma. Kutani Xikwembu, hi nyama ya ximunhu, xi khorwisile leswaku a ku ri Xona, Xi te, "Abraham, u kwihi nsati wa wena, Sarah?" Eka masiku mantsongo ku nga se fika sweswo, a ri Abram; na S-a-r-a-i, Sarai; ku nga ri Sarah, "hosikazi." Nakona U n'wi vitanile hi vito ra yena ra vuhosikazi, n'wana wa hosi wa xisati. U vitanile Abraham hi vito ra yena, Abraham, tatana wa matiko. Kutani U te, "Ndzi ta tlhela ndzi ku endzela."

¹³⁶ Xikwembu, hilaha mbilu ya muprefeta yaloye yi nga vaka yi tlurile ha kona! A swi tiva leswaku A wuri Mani nkari walowuya. A swi hlamarisi ku va a hlambisile milenge ya Wena, a humesa na swakudya hinkwaswo leswi a ri na swona, nakona leswo tlurisia, a swi veka emahlweni ka Wena. A swi tiva leswaku a ku ri Xikwembu lahaya. Kutani Xi te, "U kwihi Sarah?" tanihi loko Xi nga swi tivi. Nakona U . . .

¹³⁷ Abraham u te eka Yena, "U le ntsongeni . . . u le ntsongeni, endzhaku ka Wena."

¹³⁸ Nakona U vurile leswi a swi ya eku humeleleni. Kutani wansati, embilwini ya yena, u Swi kanakanile. Kutani U—U byerile Abraham u ku, "Hikwalaho ka yini Sarah a kanakana sweswo, a ri karhi a vula embilwini ya yena leswaku, 'Swilo

leswi swi nga ka swi nga endleki? Xana wu kona nchumu lowu nonohwelaka Xikwembu?"

¹³⁹ O Xikwembu! Yesu, Xikwembu lexi tivonakariseke xa Rito, U te, "Tanihi laha a swiri xiswona emasikwini ya Sodoma," misava yi ta va yiri eka xiyimo xexo loko ku nga si va na ku herisiwa ka misava ya Vamatiko, ku averiwa ka Vamatiko. Hi hina lava, Masodoma ku fika ensinghweni! Kutani U vurile leswaku N'wana wa munhu, loyi a tshamelaka ku vitaniwa tanihi "muprofeta," a nga ta paluxiwa hi awara yaleyo. Fikelerisa Marito ya Wena, O Xikwembu. Hina, vana va Wena lava pfumelaka, hi rindzela hi timbiluletinene, ku hi nyika ripfumelo, Hosi, leswaku, loko hi ta va na layini ya xikhongelo, vanhu va ta pfumela. I nkarhi wa ni madyambu, Tatana. Pfumelela Mavoni ya ni madyambu ya N'wana wa Xikwembu (Loyi A ri kona, na Loyi A nga kona, na Loyi A nga ta ta) wa tivonakarisa hi Yexe hi vuprofeta lebyi Yena a byi endleke. Hi Vito ra Yesu Kreste. Amen.

¹⁴⁰ Ndzi lunghekile sweswi ku—ku khongelela vavabyi. Kambe i nchumu lowu nga tolrevelekangiki, hilaha loko hi yima lahawani. Hi mina loyi ndzi yimaka lahawani sweswi ndzi tlhontlha mani na mani, na lava khweketiweke ku tsemakanya hi tiko, leswaku Xikwembu xa ha ri Xikwembu. Xi nga ka xi nga tsandzeki. Nakona leswi Xi swi tshembhisaka, Xi ta swi endla. Xi nga ka xi nga tsandzeki ku swi endla, hikuva Xi tshembhisile ku swi endla. Hikokwalaho ndzi nga veka ku tshembha ko xiximeka eka leswi Xi swi vuleke. Hikokwalaho ndzi langutela ku Vuya ka Yena, ndzi langutela ku vonakala ka Yena eka nkarhi wihi na wihi, hikuva U te, "Hi awara leyi mi nga yi ehleketeleki," misava yi nga yi ehleketeleki, "hi kona A nga ta humeleta."

¹⁴¹ Sweswi, ku ya hilaha ndzi tivaka ha kona... Ndzi le tabernakeleni ya mina lahawani, nakona ku na vanhu vantsongo va tshameke kwala lava ndzi—ndzi va tivaka. Makwerhu Wright, vantsongo va lava tshameke lahawani, lava nga lahawani, ndza va tiva. Kambe ku na votala va n'wina lava ndzi nga mi tiviki. Nakona ndzi hava ndlela yo vula leswaku Xikwembu xi ta swi endla vusiku lebyi. Hi Xi vonile xi swi endla eka malembe na malembe lawa ya hundzeke, kambe swi nga ha endleka Xi nga swi endli vusiku lebyi. A ndzi swi tivi. Sweswo swi le ka Xona. Hi xona mufumi wa hinkwaswo. Xi endla leswi Xi swi rhandzaka. Ku hava loyi a nga Xi byelaka leswi xi faneleke ku swi endla. Xi tshama xiri xoxe, eku tsakeleni ka Xona na tindlela ta Xona. Kambe hikokwalaho kova Xi swi tshembhisile, ndzi ya eku Xi kombeleni ku va xi swi endla. Ku nga ri hikwalaho ka hina, leswaku ha swi dinga, kambe kumbexani hikwalaho ka munhu un'wana, leswaku Moya lowo Kwetsima wu nga totiwa... sweswi wu va na ntoto eka hina. Sweswi, swi nga ri na mhaka leswaku Xi ndzi tota njhani, Xi fanele ku mi tota, na n'wina, kunene, ku va mi pfumela.

¹⁴² Sweswi ndzi lava ku va na layini ya xikhongelo, nakona ndzi lava ku khongeleta vavabyi votala hilaha ndzi nga kotaka ha kona. Sweswi, hi nga hava na layini, ku vitana vanhu na ku va tisa lahawani, layini ya xikhongelo na ku khongeleta munhu un'wana na un'wana loyi a vabyaka lahawani, ndza tshembha, ndzi va na vaboti wa mina va vavuri va Rito va va na hina lahawani, kutani hi mi tlhandleka mavoko. Kunene hi nga swi endla sweswo. Kumbexani hi nga ha kombela Tatana wa hina, Loyi ku nga Yena ntsena a nga mi endlelaka swo karhi, hikuva mavoko ya mina kova ya wanuna ntsena kukotisa n'wina vavanuna. Kambe nchumu wa kona hi leswaku, a hi mavoko ya munhu lawa ya swi endlaka; i Rito ra Xikwembu. Ripfumelo eka Rito rero hi rona ri swi endlaka. A ku na nchumu wa xisayense hi swona, hinkwaswo ka swona hileswi nga riki swa sayense.

¹⁴³ Ku hava nchumu na wun'we lowu Mukreste a nga na wona eku hlomeni ka yena lowu nga wa xisayense. A mi swi tiva sweswo xana? Rirhandzu, ntsako, ku rhula, ku tiyisela, vunene, ku yingisa, ku olova, ku lehisa mbilu, ripfumelo, Moya lowo Kwetsima, hinkwaswo a swi voniwi hi sayense. Nakona sweswo hi swona leswi nga swa xiviri na ku khomeleta. Hinkwaswo leswi mi swi vonaka swi huma emisaveni kutani swi tlhelela emisaveni. Kambe swilo leswi mi nga taka mi nga swi voni hi matihlo ya n'wina, kambe mi swi vona Swi titivisa hi Swoxe, yaleyo i misava ya leswi nga Heriki.

¹⁴⁴ Xana mi nga pfumela, loko Xikwembu xi nga tivonakarisa hi Xoxe na ku kombisa leswaku Xa hanya, hi ku endla swilo swo fana na leswi Xi swi endleke eku sunguleni, andzhaku ka Hungu leri, xana mi nga swi amukela tanhi ku horisiwa ka n'wina? Xikwembu a xi hi nyiki swona. Sweswi ndzi kombela un'wana na un'wana kwala muakwini, swi nga ri na mhaka leswaku u mani kumbe u huma kwihi, ndza ku kombela ntsena ku va u pfumela hi xichavo leswaku Hungu leri i ra Ntiyiso. Rero i Hungu leri Xikwembu xi nga na rona eBibeleni ya Xona eka awara leyti, leswaku Yesu Kreste u kona vusiku lebyi nakona wa hanya. Sweswi kusuhi...

¹⁴⁵ N'wina vanhu hinkwenu ma ndzi tiva, ndzi kwala dorobeni leri ndzi kuriseriweke kona. Ndzi pfumala na hambi ku ri dyondzo ya vuvulavuri ya le xikolweni. Walowo hakanene i ntiyiso. Nakona mi ndzi tivile nkarhi wo leha ku ringana, ndzi tshembha leswaku ndzi hanyile emahlweni ka n'wina ku mi komba leswaku ndza tshembheka swi huma embilwini. A ndzi mutiendlisi. Hambi ku ri vasandzi va mina a va swi vuli swewswa. Vona, va vula ntsena leswaku, "A wu—a wu mutiendlisi, kambe wo hoxisa ntsena. U loyi a hoxisaka hi ku pfumala vutivi, ku nga ri hi ku tiyimisela." A ndzi ehleketai leswaku ndzi loyi a hoxisaka hi ku pfumala vutivi, hikuva Rito ra Xikwembu ra mbhonyiela hi Hungu ra mina, nakona a Ri fanele ku mi byela leswaku hi Rona Mani. Kutani mi ndzi twa hi ku

hetiseka loko ndzi ku a ndzi Rona, swingaleswi Ri fanele ku va Xona. A hi swona sweswo xana? Kutani mi va na ripfumelo eka Xikwembu. Langutisani haleno, kutani mi pfumela Xikwembu. Loko mi nga pfumela Xikwembu, Xikwembu xi ta mi nyika swona. Loko Xi nga endla sweswo kukotisa hilaha Xi endleke hakona eku sunguleni, kutani Xa ha ri Xikwembu. Ma swi pfumela sweswo xana?

¹⁴⁶ Ma swi pfumela xana? Manana loyi a tshameke kwala mahlweni ka mina, a ndzi langutiseke, na mihloti ematihlwени ya yena, hi mbilu ya yena hinkwayo. A ndzi swi tivi leswaku hi yena mani, a ndzi se tshama ndzi n'wi vona. Ndzi loyi a nga tollovelekangiki eka wena. Xana u ehleketa leswaku Xikwembu xa xi tiva xihundla lexi nga embilwini ya wena, ku navela ka wena, kumbe vudyoho bya wena, kumbe ku nga va ku ri yini? U ehleketa leswaku Xa swi tiva? U ehleketa leswaku Xi nga ndzi paluxela vudyoho bya wena, leswi u swi endleke, leswi a wu nga fanelanga u swi endlile, kumbe ku navela ka wena, hambi ku nga va ku ri yini? Loko Xi nga swi endla, xana swi nga endla leswaku u Xi pfumela, u swi tiva leswaku ku fanele ku ri Xona? Xana u nga swi amukela ku va ku ri Xona? A hi vudyoho bya wena lebyi ku karhataka; sweswo u swi virule. Kambe u lava nkhuvulo wa Xona wa Moya lowo Kwetsima. U ta Wu kuma. Ndzi Wu vonile wu xikela ehenhla ka yena.

¹⁴⁷ Kuri mi ta swi tiva leswaku a ndzi langutile wansati, na yena a ndzi langutile, ndzi lava ku mi kombeta Moya lowo Kwetsima. Langutani laha, kwala ehenhla ka wansati lontsongo loyi a tshameke lahawani, ehansi ka milenge ya mina lahawani. Loko ndzi ta va ndzi virule sweswo, walowo i nchumu lowu fanaka lowu a wu lavaka, i nkhuvulo wa Moya lowo Kwetsima. Wa pfumela leswaku u ta Wu kuma, sesi? Yimisa voko ra wena, loko swiri tano. A ndzi se tshama ndzi vona wansati loyi evuton'wini bya mina, hi ku n'wi tiva.

¹⁴⁸ Ma n'wi vona wanuna loyi a tshameke lahawani a korhamisele nhloko ya yena ehansi, u tshamile lahaya, na kholoro ya yena leyi nga n'wi ringaniki, na swin'wana. U xaniseka hi xiphiko xa thundelo. Wa pfumela leswaku Xikwembu xi ta ku horisa? Yimisa voko ra wena loko u ta Swi amukela. Hi swona, Xikwembu a xi ku nyiketi xikombelo xa wena.

¹⁴⁹ Jaha leri tshameke lahawani, ri le ku laveni ka nkhuvulo wa Moya lowo Kwetsima. Wa pfumela leswaku Xikwembu xi ta ku nyiketa Wona; nkulukumba, na thayi ya wena ya xintambhyani xo basa leyi ncikinhylaka endzhaku? Xikwembu xi ta ku nyika swona.

¹⁵⁰ Wanuna loyi a nga lahawani u le ku khongeleleni ka nsati wa yena. Wansati u le vuhlayselwani. Wa pfumela leswaku

Xikwembu xi ta n'wi horisa, xi n'wi endla a va kahle? Wa swi pfumela xana? U nga swi kuma.

¹⁵¹ Na voko ra wena enkolweni wa wena, wa pfumela leswaku Xikwembu xi nga horisa xiyimo xexo xa mbilu lexi ku karhataka, xiphiko xexo xa khwiri u nga na xona? U tshamile kwalano, u le ku xanisekeni sweswi. A hi swona sweswo xana? Wa pfumela leswaku U ta ku horisa? Kutani u nga swi kuma. Amen.

¹⁵² Ma swi vona leswaku Hi la fanaka tolo, namunlha, na hi masiku. Vutisani vanhu lavaya, mi vona loko ndzi va tiva. A ndzi va tivi, kambe Xa va tiva. Ameni. Ma ri vona Rivoni leri nga etlhelweni ra khumbi lahaya, leri nembelelaka ehenhla ka wanuna loyi a tshameke kwallahaya. U xanisiwa hi xiyimo xa longo enhlaneni wa yena. A nga humi lahawani, u huma eGeorgia. Nkul. Duncan, pfumela hi mbilu ya wena hinkwayo, Xikwembu xi ta horisa xiphiko xexo xa nhlana. Wa pfumela hi mbilu ya wena hinkwayo xana? Xikwembu a xi ku katekisi.

¹⁵³ Hi loyi wanuna loyi a tshameke endzaku lahawani, na xiphiko xa nhlana, u ndzi langutile. A ndzi n'wi tivi, kambe i Nkul. Thompson. Wa pfumela? Tlakuka, nkulukumba, le ndzhaku, leswaku... Ndzi loyi a nga tolrevelekangiki eka wena. Hi swona. Kambe u tshamile kwalano, u le ku khongeleni. Xiphiko xa nhlana wa wena xi horisiwile sweswi. Yesu Kreste u ku endle u va kahle.

¹⁵⁴ "Enkarhini wa madyambu Rivoni ri ta va kona." A mi swi voni xana, U kona kwala vusiku lebyi! Hi Yena nkulukumba NDZI YENA LOYI NDZI NGA YENA. Hi la fanaka tolo, namunlha, na hi masiku. Ma swi pfumela xana? Xana mi enerisekile na ku khorwisiwa leswaku loyi i Yesu Kreste a titivisaka hi Yexe, a titivisaka hi Yexe hi vuprofeta?

¹⁵⁵ U nga vilerisiwi hi tihlo. Xikwembu xa horisa vavabyi na lava va xanisekaka.

¹⁵⁶ I vangani vanhu lava... I vangani lava nga laha, va vabyaka? Mi nge hi vona mavoko ya n'wina. Swi tikomba onge swi tanihi ku koka na ku tsanyusa. Xana ku nga va ku ri na lava nga na swikhadana swa xikhongelo? A ndzi swi tivi leswaku ndzi ta mi fikelerisa ku yini lahawani. Ndzi lava ku mi khongelela, nakona a ndzi swi tivi leswaku ndzi ta swi endlisa ku yini. Mi vona leswaku i yini, langutani khumbi, xana ndzi ta va fikelerisa ku yini lahaya? Loko ndzo tshitshinganisa ndlela yin'we ke? Mi ta kuma leyin'wana yi pfalekile kwallahaya, un'wana na un'wana a yimi a nga tshukunyuki.

¹⁵⁷ Yingisani, mi ndzi twa. Xana ndzi tshama ndzi mi byela nchumu wun'wana hi Vito ra Hosi handle ka leswi humeleleke? A hi swona sweswo xana? Hinkwaswo a swi lulamile minkarhi hinkwayo. A ndzi se tshama ndzi mi kombela peni na yin'we ya mali evuton'wini bya mina hinkwabyo, ndzi swi endlile xana?

Ku nga ri na kan'we. A ndzi se tshama ndzi teka minyikelo evuton'wini bya mina. A ndzi laha hikwalaho ka mali. A ndzi laha ku ta mi kanganyisa. Ndzi laha ku ta vonakarisa Rito ra Xikwembu ra awara. Ndzi mi byerile Ntiyiso, nakona Xikwembu xi mbhoniyerile leswaku walowo i Ntiyiso. Ndza mi byela sweswi, LESWI SWI VULAKA HI MATSALWA, leswaku loko mupfumeri a tlhandleka mavoko ya yena ehenhla ka vavabyi, Yesu u te, "Va ta hanyisiwa!" Ma swi pfumela sweswo xana? Kutani, eVukoneni bya Xikwembu, xana a mi pfumeli leswaku Xi nga swi endla sweswi?

¹⁵⁸ Sweswi tlhandlekani mavoko un'wana ehenhla ka un'wana, kutani mi khomelela kwalahaya ntsena xinkadyana. Sweswi, mi nga—mi nga khongeli, ntsena tlhandlekani mavoko un'wana ehenhla ka un'wana; le handle atikweni. Kutani mina, hi ndzexe, ndzi tlhandleka ehenhla ka swidukwani leswi. Sweswi ndzi lava leswaku mi ndzi langutisa minete ntsena. Xana hi swihi leswi Xikwembu xi swi siyeke swi nga endliwanga? Langutani hilaha Xi nga, leswi Rito leri hi ri hlayeke, vuprofeta lebyi hi byi vuleke, leswaku Yesu u Titivisile hi vuprofeta. Langutisani awara sweswi, na mavhiki lama nharhu lawa hi vekeke awara leyi hi hanyaka eka yona. Langutisani leswi hi swi hlayeke, mi ri yini hi mayelana na vaprofeta va mavunwa na swikombiso leswi nga kanganyisaka vahlawuriwa. Hilaha Rito ri vonakarisiweke ha kona, hilaha xikwembu xa nguva leyo biha xi pfaleke vunwa... timbilu ta vanhu. Na hilaha Xikwembu hi Xoxe xi vuleke hi vuprofeta bya Xona leswaku swilo leswi swi ta humelela hi Nguva ya Laodekiya. Ku hava nchumu lowu saleke wu nga endliwanga. Xikwembu xi kona xa ha ri Xikwembu xin'we lexi vulavuleke na vanhu lavaya eEmaus, lexi xi Titiviseke hi vuprofeta lebyi bvumbhiweke ha Xona, Xi kona vusiku lebyi xi ri eku Titiviseni hi vuprofeta bya Xona nguva leyi lebyi bvumbhiweke. Hi la fananaka tolo, namuntla, na hi masiku. Ma swi pfumela xana? Kutani tlhandlekani mavoko un'wana ehenhla ka un'wana. U nga tikhongeleli, kambe hi ndlela ya wena n'winyi khongelela munhu loyi u tlhandlekeke mavoko ya wena ehenhla ka yena, hikuva u le ku ku khongeeleni. Langutisa sweswi, u nga kanakani.

¹⁵⁹ Kutani loko mi nga vona leswi ndzi swi languteke sweswi! Nakona ma swi tiva a ndzi nga ta mi hembela, ndzi yimile lahwani. Loko mi nga swi vona, kutani ripfumelo ra n'wina ri nga koka Moya lowo Kwetsima lowukulu lowu tluteke lahaya emoyeni—emoyeni, lowu sayense yi tekeke swifaniso swa wona, na ku Wu vona wuri karhi wu famba-famba emuakweni lowu ntsena ku ringeta ku kuma ndhawu yo—yo chikela kona, ku ringeta ku kuma khokholo. Wu pfumeli ntsena, boti wa mina. Xi swi tivisile hi Matsalwa na swin'wana, leswaku swi lulamile. Sweswi khongela hi mbilu ya wena hinkwayo eka munhu loyi u tlhandlekeke mavoko ya wena eka yena; u le ku ku khongeeleni.

¹⁶⁰ Yesu wa Nazareta loyi a rhandzekaka, hikokwalaho ka yini, ha titwa, Hosi, hi Rito, leswaku U kona, hi xitshembhiso leswaku U kona, “Laha vambirhi kumbe vanharhu va hlengeletanaka kona hi Vito ra Mina, Ndzi kona exikarhi ka vona. Kutani swikombiso leswi swi ta landzela lava pfumelaka; loko va tlhandleka mavoko ya vona ehenhla ka vavabyi, va ta hanyisiwa.” Le handle eka magandlati ya riqingho leri, o nge Moya lowo Kwetsima lowukulu wu nga ya etinhlengeletanwini hinkwato. O nge Rivoni lero Kwetsima leri fanaka leri hi ri languteke kwala kerekene, o nge Ri nga wela ehenhla ka un’wana na un’wana, nakona o nge va nga horisiwa hi nkarhi walowu. Hi holovela nala, javulosi, eVukoneni bya Kreste; hi byela nala, leswaku u hluriwile hi ku—ku xaniseka loku ku anakanyiwaka, rifu ra Hosi Yesu na ku pfuka hi ku hlula hi siku ra vunharhu; na vumbhoni bya Yena lebyi khorwisiweke leswaku U kona exikarhi ka hina vusiku lebyi, wa hanya, endzhaku ka khumenkaye wa madzana ya malembe. Moya wa Xikwembu a wu tati mbilu yin’wana na yin’wana hi ripfumelo na matimba, na ku horisa ko tengenku suka eku pfukeni ka Yesu Kreste, Loyi sweswi a tivisiweke hi Rivoni lerikulu leri rhendzelekaka hi kereke, hi Vukona bya Yena. Hi Vito ra Yesu Kreste, hi nyike hikwalaho ka ku kwetsima ka Xikwembu.

¹⁶¹ O nge swidukwani leswi hi swi khongeletlaka, swi nga ya eka vavabyi na lava va xanisekaka lava swi kongomisiwaka eka vona. O nge Moya lowo Kwetsima lowu fanaka lowu nga kona eku titiviseni hi Woxe sweswi, wu titivisa hi Woxe eka muvabyi un’wana na un’wana loyi swi nga ta tlhandlekiwa eka yena. O nge Vukona bya Xikwembu byi nga tata timbilu ta vona hi ripfumelo kukondza vuvabyi bya miri wa vona byi ta va byi horisiwile. Leswi ha swi kombela, hikwalaho ka ku kwetsima ka Xikwembu, eVukoneni bya Yesu Kreste na hi Vito ra Yesu Kreste, tanihieleswi hina malandza ya Yesu Kreste hi swi kombelaka. Amen.

¹⁶² Sweswi ku suka etimbilwini ta n’wina, a ndzi na mhaka leswaku a ku hoxekile yini ha n’wina, loko mi nga swi endla, ku suka etimbilwini ta n’wina, ku pfumela hi mbilu ya wena hinkwayo leswaku Rito ra Xikwembu ri ku nyikile xikombelo xa wena? [Nhlengeletano yi ku, “Amen.”—Muhleri.] Ndzi pfumela leswaku voko rin’wana na rin’wana, tanihie laha ndzi swi vonaka, ri yimisiweke. Loko u swi pfumela, sweswi tsundzuka, swi herile.

¹⁶³ N’wina mi nga le handle etintambhyini ta riqingho, loko mi pfumerile hi mbilu ya n’wina hinkwayo, tanihie leswi tiministara ti mi tlhandlekaka mavoko ehenhla ka n’wina, na varhandziwa va n’wina lava tlhandlekeke mavoko ya vona ehenhla ka n’wina, loko mi nga pfumela hi timbilu ta n’wina leswaku swi herile, swi herile. Moya lowo Kwetsima lowukulu, Wu kwala etabernakeleni vusiku lebyi. Ndzi Wu vonile wu famba-famba ehenhla ka vanhu,

wu Tikombisa kwala etlhelo ka khumbhi, kutani wu xikela ehenhla ka wanuna, wu ta lahawani kutani wu tlhandlukela ehenhla ka muako, wu tivisa swihundla swa le timbilwini, vutitivisi bya Vukona bya Yena, ku kombisa leswaku Hi la fanaka tolo, namunlhha, na hi masiku. Wu le xikarhi ka hina! Hi wona Xikwembu, Xikwembu lexi nga tsandzekiki.

¹⁶⁴ Kutani xana timbilu ta hina a ti pfurhangga endzeni ka hina, nakona xana a ti pfurhi sweswi, ku tiva leswaku sweswi hi le Vukoneni bya Yesu Kreste loyi a pfuxiweke, Loyi ku kwetsima na ku dzunisiwa swi nga swa yena hilaha ku nga heriki; Loyi a nga eka xifaniso xo titivisa xa Yehovha wa Matimba hinkwawo; Loyi a tluteleke ehansi hi xivumbeko xa Langavi ra Ndzilo exihlahleni lexi pfurhaka, ku koka rinoko ra muprofeta; Loyi a xikeleke ehenhla ka ntshava, kutani un'wana na un'wana loyi a yi khumbheke a dlayiwa, handle ka Muxé na Yoxuwa. Hilaha Xi rhangeleke vana va Israel ku hundza emananga, erendzweni ra vona, tanahi xifaniso xa vanhu lava vitaniweke namunlhha. Hi Lexi kwala, hi vulavisisi bya xisayense, hambi ku ri ku titivisa hi Xoxe na le mahlweni ka sayense. Kutani hi swendlo swa Xona na hi vuprofeta bya Xona, swilo leswi profetiweke ku va Xi ta swi endla esikwini leri, ku Xi endla lexi fanaka tolo, namunlhha, na hi masiku, swi kombisiwile hi ku hetiseka. Xana a swi ringanelanga ku va swi endla timbilu ta hina ti pfurha endzeni ka hina? Xikwembu a xi mi katekisi.

¹⁶⁵ Hi moyo wun'we sweswi, a hi yimeni kutani hi ku: sweswi ndzi amukela Yesu Kreste tanahi Muponisi na Muhanysi. [Nhengelatano yi ku, "Sweswi ndzi amukela Yesu Kreste tanahi Muponisi na Muhanysi."—Muhler.] Nakona hi tintswalo ta Yena, ["Nakona hi tintswalo ta Yena,"] ku sukela awara leyи ku ya emahlweni, ["ku sukela awara leyи ku ya emahlweni,"] O Xikwembu, ["O Xikwembu,"] u nga pfumeleli ku kala ripfumelo ["u nga pfumeleli ku kala ripfumelo"] hambi ku ri ku nghena embilwini ya mina, ["hambi ku ri ku nghena embilwini ya mina,"] hikuva ndzi vonile ["hikuva ndzi vonile"] vuprofeta ["vuprofeta"] bya siku leri ["bya siku leri"] byi fikelelekile. ["byi fikelelekile."] Ndza pfumela ["Ndza pfumela"] leswaku Yesu Kreste ["leswaku Yesu Kreste"] wa hanya ["wa hanya"] nakona lahawani sweswi ["nakona lahawani sweswi"] u le ku tiyisiseni ka Rito ra Yena ["u le ku tiyisiseni ka Rito ra Yena"] ra awara leyи. ["ra awara leyи."] Vuprofeta ["Vuprofeta"] lebyi tsariweke mayelana na Yena ["lebyi tsariweke mayelana na Yena"] sweswi byi fikelelekile exikarhi ka hina. ["sweswi byi fikelelekile exikarhi ka hina."] Hi yena Muponisi wa mina, ["Hi yena Muponisi wa mina,"] Xikwembu xa mina, ["Xikwembu xa mina,"] Hosi ya mina, ["Hosi ya mina,"] Hinkwaswo eka hinkwaswo swa mina. ["Hinkwaswo eka hinkwaswo swa mina."]

¹⁶⁶ Xikwembu lexi rhandzekaka, twana vumbhoni bya hina. Kutani u hi nyika, siku na siku, Vuswa bya Vutomi. Nakona ha

Ku dzunisa, O Xikwembu, ku suka emakorhwени ya timbilu ta hina. Ha Ku dzunisa, Wena wa Matimba hinkwawo, Xikwembu xa vaprofeta. Hi Vito ra Yesu Kreste. Amen.

Oho, i xinkadyani xa njhani, i nkarhi wa njhani!

... pfumela ntsena;

Pfumela ntsena, wo pfumela ntsena,

Swilo hinkwaswo swa koteka, pfumela ntsena.

A hi yi yimbeleriseni xileswi.

Sweswi ndza pfumela, oho, sweswi ndza
pfumela,

Swilo hinkwaswo swa koteka, sweswi ndza
pfumela;

Sweswi ndza pfumela, oho, sweswi ndza
pfumela,

Swilo hinkwaswo swa koteka, sweswi ndza
pfumela.

Xana hi byona vumbboni bya wena byebyo? [Nhlengenletano yi ku, "Amen."—Muhleri.] Sweswi loko ha ha korhamisa tinhloko ta hina.

Kukondza hi hlangana! kukondza hi
hlangana!

Kukondza hi hlangana emilengeni ya Yesu;

Kukondza hi hlangana! kukondza hi
hlangana!

Xikwembu a xi ve na n'wina kukondza hi
hlangana nakambe!

[Makwerhu Branham a sungula ku hama *Xikwembu A Xi Ve Na N'wina*, kutani a vuvula na Makwerhu Neville—Muhleri.] U lava ku vula swin'wana xana? Vayle.

... emilengeni ya Yesu;

Kukondza hi hlangana! kukondza hi
hlangana!

Xikwembu a xi ve na n'wina kukondza hi
hlangana nakambe!

¹⁶⁷ Loko ha ha korhamisile tinhloko ta hina, Makwerhu Vayle u yimile lahwani ku hi ntshuxa hi xikhongelo. Makwerhu Lee Vayle, hi yena mutsari wa le tabernakeleni lahwani, wa swo hlayiwa na tibuku, na swin'wana. Boti wo hlawuleka swinene, u vile na mina eka mapfhumba yo tala. Ndzi navela o nge a ndzi ri na nkateko wo pfumelela muvuri wa Rito un'wana na un'wana, ku va tisa haleni kutani ndzi vulavula na vona. Ma swi twisisa, ndza tshembha. Muvuri wa Rito un'wana na un'wana, hi tsakile ku va na n'wina lahwani. Vanhu ntsena hinkwavo, vanhu va tikereke to hambarana, na swin'wana swotala, hi tsakile ku va na n'wina lahwani. Nakona kunene i xikhongelo xa hina un'wana eka un'wana, "Xikwembu a xi ve na n'wina kukondza

hi hlangana nakambe.” Loko ha ha korhamisile tinhloko ta hina, na mavoko ya hina ya tlakusiwile, a hi ri yimbeleleni Xikwembu nakambe hi ku tsokombela.

Kukondza hi hlangana! kukondza hi
 hlangana!

Kukondza hi hlangana emilengeni ya Yesu!

Kukondza hi hlangana! kukondza hi
 hlangana!

Xikwembu a xi ve na n'wina kukondza hi
 hlangana nakambe!



SWIENDLAKALO LESWI VEKIWEKE ERIVALENI HI VUPROFETA TSO65-0801E
(Events Made Clear By Prophecy)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni madyambu, Mhawuri 1, 1965, eTabernakeleni ya Branham eJeffersonville, Indiana, U.S.A., ri tekiwile ku suka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org